

四庫全書

史部

欽定四庫全書

史部

浙江通志卷一百八十二

詳校官給事中臣戴璐

檢討臣德生覆勘

總校官編修臣倉聖脉

校對官中書臣吳向華

謄錄監生臣梁鳴岐

欽定四庫全書

浙江通志卷一百八十三

人物

六

文苑

五

嚴州府

漢

方儕

嘉靖浙江通志新安人與弟儲儼以孟氏易自相講授儕為南郡太守封關內侯儼為大都督

俱以文學

鳴於時

唐

皇甫湜

唐書本傳字持正睦州新安人擢進士第任至工部郎中卞急使酒數忤同省求分司東

都留守裴度辟為判官度修福先寺將立碑求文於白居易湜怒曰近捨湜而遠取居易請從此辭度謝之湜即請斗酒飲酣拔筆立就度贈以車馬綰綵甚厚湜大怒曰自吾為顧况集序未嘗許人今碑字三千字三總何遇我薄耶度笑而酬之

皇甫松

嚴陵志湜之子工文詞著醉鄉日月三卷其大隱一賦尤為綺麗而得名在樂府宮辭

章八元

萬恩嚴州府志桐廬人大厯六年進士貞元中訓句容主簿遷協律郎少從會稽嚴維學

詩號章才子嘗於郵亭偶題數句維大異之遂親指喻數年充賦推第其題慈恩塔詩元白名家深

為歎異且謂不意嚴維出此弟子與郡
司馬劉長卿更相倡和為名流賞鑒

章孝標

萬應嚴州府志八元子元和中進士為山南
道從事試大理寺評事初下第派輩都為詩

以刺主司孝標作海燕詩獨存忠厚侍郎庾承宣
輒轉吟諷卒以受知李紳鎮揚州請孝標賦春雪
詩命題於臺盤上索筆一揮深得風雅之旨無題
一篇張為取為主客圖時人為之語曰前有八元

後有
孝標

方干

孫郛方干傳新定人字雄飛父肅舉進士章協
律八元美其詩以子妻之干為詩高堅峻拔秀

仙蓋於常花鳴靈囂於衆響咸通乾符廣明中和
間為律詩江之南未有及者始舉進士與同舉者
謁錢塘太守姚合姚覽詩駭目變容獨館之數日
一舉不得志遂遁於會稽漁於鑑湖文德間卒後

進相與謂之
曰玄英先生

徐凝

萬歷嚴州府志分水人與施肩吾同時舉進士官至金部侍郎始白樂天刺杭時以開元寺牝

丹詩受知既而與張祜較藝祜甘自屈白公解送以凝為元其縉雲一詩後來無敢題者漢宮曲段柯古錄之題襟集中其詩心驚玄遠間澹孤清脩然自得於言外

章碣

萬歷嚴州府志孝標子乾符三年進士有集一卷行於世其東都望幸詩膾炙人口至如焚書

坑一絕就題翻意深得風人雅致教清江英深取之

何希堯

萬歷嚴州府志字唐臣分水人施肩吾之壻號常歡喜居士詩集行於世而以樂府名家

其采蓮曲柳枝詞咏海棠等作神采既融情景俱到天才流麗節奏琅然水清璧潤擬之肩吾何愧

五代

章魯封

十國春秋桐廬人頻舉進士不第有雋才少與羅隱齊名武肅王既破董昌辟為表奏孔

目官累遷燕州刺史
著章子三卷行世

宋

邵煥

兩浙名賢錄淳安人英年挺秀精藻逼人七歲時隨父兄應舉時郡方建黹樓題詩於壁援筆

而就郡守杜唯一奇之奏令赴闕真宗以其年幼賜帛遣歸咸平三年十歲復以童子召赴闕令賦春雨詩文不加點是年登進士第除正字命於秘閣讀書常引之入宮令賦睡宮城詩煥應聲云玉腕枕香腮荷花藕上開乃命就職官至金部員外郎

胡楚材

壽昌縣志字公喬慶歷中登進士第授廣德
縣真判官再調嘉興幕數以剛直忤權貴官

至祕書省校書郎遂退居有勸之仕者答曰仕進
易行道難仕而不得伸其志雖祿而有愧於心君
子不為也即熙山構堂以琴酒慕釣自適善屬
文尤長於詩邑山水皆有題詠落筆不類宋調

方仲謀

萬歷嚴州府志字公輔淳安人仁宗朝登進
士第為歙州推官擢大理丞累官殿中丞兼

性貞介而文采蔚然所著有雉山集藏二十餘卷
其為詩不事雕鏤而聲律渾厚絕無纖穠華媚之
態

吳儔

嚴陵志字子友建德人幼穎悟讀書五行俱下
熙寧初中賢良方正直言極諫科和平門內其

讀書樓雙臺在焉蓋自皇甫湜
後三百年間儔始復中制科

方元修

嚴陵志字時敏桐廬人幼有詩名政和初審察監大觀庫後通判濬州嘗同呂居仁趙才

卿八大名幕其詩善鍛鍊視玄英差無愧初見梅
花云北枝風力頗不早東閣詩情聊一新尤為人

所誦

方閭

萬歷嚴州府志字彥和淳安人年十八詣鄉舉與兄闕弟閭同受業太學每試必迭為之魁徽

宗幸太學特賜進士出身歷右文殿修撰至金紫
光祿大夫以足疾乞歸高宗御書杜詩四首及龍
亭居士號以賜之闕為朝

請大夫判南京國子監

方聞

嚴陵志字彥直閭弟年十五詣鄉舉徽宗幸太
學賜策問得所對御書詞翰俱優四字遂賜釋

褐上美之曰兩浙三方天下無雙蓋與閭闕
兼稱之也歷太僕少卿至銀青光祿大夫

王昇

嚴陵志字君儀建德人博洽多識尤達禮易家居不仕以山陰陸佃薦特起於家遂歷禮官晚

以徽猷閣待制還

鄉里辛年七十九

滕岑

萬歷嚴州府志字元秀桐廬人紹興中與陳塤相倡和其佳處自謂高視大歷十子所作詩凡

三千首多警句宋景瀛序睦州詩派岑與焉

方有開

嘉靖浙江通志字躬明淳安人少倜儻有大志為國子錄輪對論吳蜀偏重荆襄居中為

用武之地因上聯形勢講攻守闕田疇建宿衛四篇孝宗大悅轉司農丞再對論規模荆襄宜講屯田為大計後運判淮西復著屯田詳議三十二篇以獻當國者沮之有奏議五卷詩文十一卷朱文公嘗為書萬溪書堂四字故自號溪堂云

王日休

萬曆嚴州府志分水人。登紹興五年進士第。授朝請郎。嘗著九邱總要三百四十卷。以進。

光宗嘉之。進官一秩。遷朝奉大夫。

洪夢炎

萬曆嚴州府志字季思淳安人。實慶元年進士。端平間。禁軍搆逆。命夢炎撫諭。既受旨索。

飲至醉。卧省廡下。徐以單騎入軍。或引斧砍其導卒血濺衣而色不為動。曉以逆順。皆安堵聽命。會高沙軍變。命夢炎綏之。至維揚。聞帥趙葵詭以指日可破夢炎曰。攻討者制閫之大義。撫諭者天朝之至恩。殊恩曲教。非愛閫卒愛百姓也。遂入城宣詔。進版酋開以自新之路。一軍以安。尋以大宗丞貲浙幕。召拜司農。差知衢州。卒於任。有文集二十四卷。奏錄三卷。高沙撫錄荆襄語彙各一卷。行世。

黃蛻

嚴陵志字新之。淳安人。號警齋。淳祐七年廷試進士。第二。方逢辰賀之。蛻答云。欲與狀元留地。

位先將榜眼破天荒次科逢辰果狀頭蛻學博而正著作不留稿人得其片紙隻字必珍藏之自建昌軍僉判遷大理卿所至以文學知名未幾歸老於家卒學者祠之於石峽書院弟宗仁字榮甫淳祐進士累官司農少卿亦多著書

許繼先

嚴陵志淳安人家貧力學淹貫經史咸淳間以春秋領鄉薦仕至宣教郎祕書省檢閱文

字

郭頤

萬曆嚴州府志字養正壽昌人少孤貧力學從呂成公遊魁南省登進士甲科精於易通數學

仕終軍器監主簿築室於所居之南號固齋讀書其中屢空晏如也

吳攀龍

萬曆嚴州府志字元登淳安人刻苦問學文聲藉甚登咸淳元年進士第任饒州安仁主

簿少與方逢辰何夢桂為同門友嘗見器
於趙白雲為大書齋扁曰愛敬又曰晉齋

何景文

嚴陵志字俊翁潛齋徙子同受學訥齋又同
年登第御賜一聯云一門登兩第百里足三

元以黃蛻榜眼方逢辰狀元及夢桂探花為三元
也初授合肥簿遷監行在文思院學問卓絕後進

之師

江自明

萬歷嚴州府志淳安人學問博洽時
稱江六經撰禮林義林合四十卷

翁夢得

嚴陵志字景說壽昌人唐詩人洮之後通春
秋端平咸淳兩中詞科尋隱居教授所著有

春秋指南一卷撫實二卷要論十卷紀要十卷
盤珠纂論十一卷地理總括若干卷並行於世

鄭侍中

萬歷嚴州府志字元璋壽昌人博學善屬文
明五經兼通子史以漕試得舉見宋鼎將移

浩然有遜世志研精覃思
作春秋指迷詞旨高遠

邵桂子

鮑樞雪舟詩序青溪邵桂子字德芳太學上舍登咸淳進士任處州府學教授宋運訖錄

解組賦歸避地雲間贊曹氏居泖湖之隅溪嘗瀨湖構亭名雪舟著述其間有胜稿十卷胜談二十卷皆以雪舟名之預為生壙號曰元宅著元宅七銘後七銘續七銘別七銘凡二十八事摹周易作退四卦忍默恕

汪斗建

萬厯嚴州府志淳安人宋末遺老也嘗為學官隱居不仕其詩大有聲律號雲留小藁

元

洪震老

萬厯嚴州府志字復翁淳安人延祐中領薦與時相書言詞鯁直士論韙之未幾棄官隱

石壁峯下著有觀光集日以吟詠為事其詩氣格昂然不落卑調詞鋒艷發覽物品游往往超脫

夏溥

嚴陵志字大之淳安人明易象春秋之學為文雄深簡古領至治三年鄉薦為安定書院山長

轉隆興教授新安趙訪嘗問及詩法溥曰子之鄉先達所謂格欲高而律貴熟句欲圓而意貴新者真名言矣其教授豫章嘗從虞集遊集喜其詩自成一家稱為夏體訪嘗言夏先生詩似楊誠齋蓋黃陳詩出老杜以格高為宗至誠齋入稍變其法夏亦自杜而變者也

何正

嚴陵志字守中分水人至順間應薦授蘄川書院山長轉寧都下河巡檢尋棄官歸號雲壑道

人能詩初被薦時試以詩二首人爭傳之

方子京

萬歷嚴州府志分水人隱居山林至正間應薦起試以鑑湖風月詩時試者百餘人惟子

京擢居前列除嘉興路教授致仕歸

吳璥

嚴陵志字朝陽淳安人八歲能詩文不屬稿而成泰定間登第出丞番陽時邑賦雲南葉金民

患之璥言於朝始得輸常金民賴以甦歷轉峽州路經歷未幾歸授徒講學從之者戶履雲集若方道叢華皆其門人所著有齊城集麟經賦并詩文二十卷

李文

兩浙名賢錄桐廬人博學以能詩鳴與楊鐵崖宋潛溪相友善庫庫子山深器之江浙行省檄

為桐廬主簿辭不就遂與吳立夫游金華山中飄然有物外意竟以詩文終所著有近溪集

明

徐暉

青溪詩集傳字仲山淳安人幼穎敏日記五千字及長博習經史百家之書善屬文鄉里推為

祭酒洪武初辟教邑庠三年自免去已詔徵秀才
強起之至省力辭而歸號巢松病叟葛巾野服優
游山水間以詩酒
自放有巢松集

徐尊生

嚴陵志字大年淳安人七歲能詩十五善屬
文諸書靡不淹貫洪武初以遺逸舉與修元

史竣事俾編禮書修日曆時翰林學士承旨宋濂
乞致仕上問卿歸孰可代者濂以尊生對乃拜翰
林應奉草制志稱旨尋以老疾歸所著有春
秋論一卷制誥二卷懷歸還鄉等稿二十卷

汪一初

兩浙名賢錄字陽復淳安人少嗜學以詩文
鳴洪武庚子守將薦之朝上方觀書命作詩

立賦以進有花影上階春滿地讀書餘暇問蒼生
之句即命以白衣侍講踰月授儒學提舉尋以觀
老乞歸庚申復召見對策第一擢太常寺
卿辭不就遂命白衣巡撫山西卒於潁川

邵亨貞

列朝詩集傳字復孺嚴陵人徙居華亭卜築溪上以貞溪自號博通經史聘文詞工篆隸

八明為松江府學訓導卒年九十三有蛾術文集十六卷蛾術詞選四卷後附學菴古詩一卷其子

伯宣所作

俞深

嚴陵志字景淵桐廬人洪武中領鄉薦為汶上教諭陞建寧府學教授學問該博為文章雄邁

高古有奇氣累校文衡所至得人性淳謹不遺小節詩多警句自號聽松老人著聽松集

汪改

萬歷嚴州府志字遼善桐廬人洪武中領鄉薦授丹陽縣教諭獻三策於朝深切時務陞臨清

丞永樂改元棄官歸自號桐山歸牧以吟咏自適性行端潔不涸流俗晚好神僊年八十餘點校丹書不輟詩文取達意不事雕繪類其為人

方定

萬歷嚴州府志字志安淳安人博學善吟詠洪武間領京闈鄉薦分教東平州轉海州預修永

樂大典遭長泰縣學諭所至造就有方著止軒集行於世

方淵

萬歷嚴州府志字宗源淳安人贈詞藻以太學生授蒙城令一以愛民為主其廳事四壁編書

先正格言以自警秩滿引年卒於家所著有龜鶴山人吟稿二卷貽哂稿三卷

章芸

萬歷嚴州府志字振芳桐廬人由貢歷河南崇府紀善值世宗南巡獻詩稱旨遷本府長史敦

尚風節多輔導功進四品階遂歸所著有崇藩疏稿琴山雜詠

吳世良

遂安縣志字叔舉英慧磊落於書無所不窺走筆千言立就嘉靖戊戌進士知長洲縣改

國子監博士歷廣信府通判性澗達不治生產亦無意身後名賦詩縱酒千金立散卒以氣象迂俗

沒之日家徒四壁所撰詩文甚夥散佚不存

商汝頤

萬厯嚴州府志字景貞淳安人宏治三年鄉薦累官湖廣叅議幼嗜學為文精密淵巧綽

有姿態其詩覃思遠詣如素障子雖無爛目之華欲摘其瑕亦無下手處

程文楷

萬厯嚴州府志字守夫淳安人穎敏好讀書督學吳伯通奇其文擢冠兩浙領宏治五年

鄉薦與王守仁林庭樞友善廣和盈几為一時所稱著有方丈集松柏稿春崖雜稿

方寬

壽昌縣志字敬敷以拔貢授寧德縣令未幾歸博聞廣見嘗著嚴陵賦築括一郡山川人物典

麗雅贍其楓麓摘稿出入晉魏時以懷抱發揮於文字間落落自異

吳御

萬厯嚴州府志字一龍壽昌人少孤力學為名諸生以貢授膠州訓導著海運策陞福州府教

授纂八閩通志校刊十三經注疏日與生徒講理學於道山書院尋以疾歸

國朝

姜燮鼎

舊浙江通志字理夫遂安人鴻臚卿習孔之

棄去嘯咏山水間與兒童樵牧笑語竟日顯貴至門即避匿不見所著詩冲澹雋逸迥出塵表多隨手散佚好事者得一二藏之哀輯成帙名高山集

方象瑛

鄉賢留祀冊字渭仁少傳連年孫九歲能詩十三作遠山淨賦康熙丁未登進士以中書

舍人分校戊午京兆試會舉博學宏詞試入高等授翰林院編修纂修明史癸亥典試蜀中盡心甄錄不苟充賦蜀士蒸然一變尋請歸里不復出芑苴竿牘一不至於門遇有利弊則獄獄言之卒之

欽定四庫全書

卷一百八十二

日闔邑建思賢祠於城南
若有健松齋前後集行世

毛際可

遂安縣志字會侯號鶴舫順治戊戌進士授
彰德府推官廉明不阿有連奇才者殺人巧

脫威風折庭槐之異猷實抵罪寧陵盜犯房有才
等十三人已奏當大辟力奏白其冤釋之改商城
令修滑河五門堰溉田五百頃再補祥符如故操
尋以博學宏詞薦既試罷歸閉戶著書文名馳四
遠晚構問字亭以汲引後進所著有安序堂文鈔
浣雪詞子士儀官思南府太守士儲官冀州知州
方韓鄉賢留祀冊字若韓一字佐平負雋才所弛不
羈至取予大節介如也遇公正輒發憤康熙乙
卯鄉試以籌閩策為主司徐秉義所歎賞從乙卷
中甄拔之明年成進士選入史館文名走海內尤
善為古文議論證據鑒鑒氣勢如絕壁天懸
騰波迅急壬戌為會試同考官歷左中允卒

方士穎

周起渭方士穎傳字伯陽淳安人祖尚恂萬歷癸丑進士官湖廣按察司副使父一鑣歲

貢生士穎就外傳即學為詩研揣聲分天然獨得
穎不令父知也年十一就試歸父檢其行笈得詩

一章中有句云野渡舟難覓沙汀客屢呼乃以手
鈔杜詩一快界之於是益大為詩士穎詩雅潤為

本遇象能鮮風流趣好論者謂不減中唐錢劉輩
其長篇指事類情鋪陳終始如白公諷諭諸篇老

嫗可解也尤妙指法賞其文者并其書以為雙絕
著有偶存詩六卷賦二卷駢儷雜文三卷類鈔五

十卷以睦州詩派之無存也次第排續為嚴陵詩
選以補續之甫成二十四卷而卒士穎事親以孝

聞當甲寅乙卯間山賊竊發居民四竄其父晚失
明士穎泐沿登頓輒負之以趨父卒士穎年已六

十哀踊如
孺子慕者

溫州府

宋

林幹

傳詳
隱逸

曹逢時

溫州府志字夢良樂清人少從鄭國材學易工文詞與王十朋劉鎮齊名以太學優選知

臨江紹興丁丑中第授嚴州司戶通練若素官憲使王傳俾為牋表授簡累數百文無停筆所指盡皆出人意表陞福州教授辛初王十朋欲薦逢時以自代限於制弗果兄應時游太學亦有名

萬庚

萬歷溫州府志字先之樂清人善詞賦太學興首中優選紹興甲戌上舍釋褐授全州教授清

湘士子稀少庚至郡丐增廩餼以養士郡將異其才俾兼攝幕職為文雄深雅健湖南諸郡碑碣必

屬庾撰述改洪州錄參虞允文入相王

十朋貽書薦之擬除學官名未上卒

陳堯英

葉適陳堯英墓誌字秀伯平陽人少有大志紹興六年上書登聞陳策十二明年再上清

朝政序亦十二語益切三日復上兵書指畫利官尤急高宗異之令政事堂召問書語侵中書執政固不喜至召問長揖色倨論事泉涌不屈執政愈怒奏罷之後七年始入場屋對策猶抗言如故以是無所合而卒

林之奇

平陽縣志字偉卿紹興中登進士授靜江教授著火評千餘篇與同年福塘林少穎同姓

名俱有
聲文學

潘翼

溫州府志字雄飛其先青田徙樂清貫穿諸子百家凡禮樂制度傳注箋疏雜說靡不淹通明

天文作星圖證驗著九域賦山川里道若親歷括
隱僻字補注篇韻遺漏辨爾雅本草名物訓釋外
誤尤工古文王十朋自少從游每歎不能竟
其學後將編次其書刻之泉南會名不果

陳季雅

兩浙名賢錄字彥章永嘉人氣質超邁自高
其才不樂師授與人持論無所降州將讀其

書過熟如素構往往有新意出人表遂薦高等登
淳熙第為隆興教授轉潭州未上益閉門盡抽古
今文字且誦且索務為周覽鉤
得其要著有兩漢博議等書

鄭邦彥

温州府志字國材樂清人學綜經籍政和初
入京學月書連占五魁選兩學生欲一識其

面不可得席益帥湖南辟為內幕趙鼎當國
益薦之授發州學官篤意講肄士多矜式焉

王綽

永嘉縣志字誠叟有氣節葉適畏友也薦
充編校不就所著有春秋傳記及雜文

王自中

葉適王自中墓誌字道甫平陽人岸谷深厚
山止時行所歷雖知名勝人或官序高重逆
占其無憂當世意直嬉笑視不與為賓主禮一日
赴丞相生有餽鹿至請賦之韻得方字朗吟曰世
間此物多為馬寶匣還宜出上方相懷愠客惶恐
不自得自中神色不異以此不悅於流俗每應試
皆陳實策無一語類時文或笑曰此劄子也然克
得乙第王蘭薦於上得名對官籍田令以蔣繼周
疏罷光宗朝知信州復召以王恬疏罷知邵州以
謝原明罷知興化軍以高文虎罷竟死陳同甫稱
其韓筋柳骨筆研當
獨步自謂不能及也

盧祖臯

萬歷温州府志字中之永嘉人登慶元第嘉
定中以軍器少監直北門時慶澤孔殷綸言
查布祖臯抒思泉涌號為稱職工樂府
詞意清遠江浙間多歌之有蒲江集

潘樾

溫州府志字德久永嘉人以父任補右職繼奉戎幕召試為閭門舍人授福建兵馬鈐轄卒喜

為詩下筆立成聲名籍甚永

嘉言唐詩自樾始有轉菴集

趙師秀

兩浙名賢錄字紫芝永嘉人登紹興第浮沈州縣僅一改秩而卒自乾淳來瀛洛之學方

行諸儒類以窮經相尚詩或言志取足而止固不暇如昔人體驗聲病律呂相宣也潘樾出始創為

唐詩而師秀與徐照翁卷徐璣緡尋遺緒日鍛月鍊一字不苟下由是唐體盛行師秀詩名天樂集

徐照

葉適徐照墓誌字道輝永嘉人自號山民嗜苦茗上下山水穿幽透深拾其勝會有詩數百斷

思尤奇皆橫絕故起冰懸雪跨使讀者變蹕慘慄肯首吟歎不自已發今人未悟之機回百年已廢

之學使後復言唐詩

自照始亦一快也

翁卷

溫州府志字續古一字靈舒樂清人詩名西巖集一名韋碧軒集

徐璣

溫州府志字致中一字靈淵仕長泰令工詩名山泉集自趙師秀以下四人號永嘉四靈館閣

有四

靈集

周學古

兩浙名賢錄字會卿行已孫也兩薦漕關不第遂息意場屋以風雅自娛葉適序之云周

會卿與潘德久齊名德久漫浪江湖吟不擇地故所至有聲會卿嘗閉戶讀書盤摺生語有若天設德久甚畏之居謝池坊廬山宅水自成深致其家集零落十數紙然一輪之蘭芳薌出林豈紛然桃李所能限斷哉

趙汝回

萬歷溫州府志字幾道永嘉人登嘉定第終主管進奏院名重一時興高吟苦自成一家

從其學者

多知名

薛師石

溫州府志字景石弼曾孫卓犖有大志築室會昌湖上與友酌古今談筆墨善楷及篆隸

書名家碑碣不得師

石書為憾有瓜廬集

趙汝迂

樂清縣志字叔午以詩名登嘉定第簽判處州嘗賦詩有夜雨梧桐王子府春風楊柳相公

橋之句史相聞之

怒左遷淪落而卒

趙崇滋

兩浙名賢錄字澤民永嘉人登嘉定第調嚴州司戶尚氣不屈每與守諍守降意下之同

年生多居要津不肯附麗以求速化工詩優入騷人間域善筆札每興到拂紙援毫頃刻成數千言

曳金玉而走龍蛇觀

者神駭名重一時

趙善得

溫州府志字李清永嘉人登紹興第歷忠州判官文思泉涌下筆輒千言嘗曰今人不能

道古以胸次不如古人豈惟不能道古亦不能鋪今盖有四難意難濶間難廣情難寫心難公又云作文如下黑白子有服者勝閱文如閱好山貴起伏多也

王奕

瑞安縣志字子陵研貫該博杜門著書不求聞達淳祐間有旨下州索所著書太守趙汝騰為

繕進且薦之朝奕竟不應所著有六經語孟說中庸本義周禮答問成周大事譜西漢通志補正漢天文志釋漢地理志復漢錄武侯遺事多識錄

薛據

溫州府志字叔容平陽人淳祐間臺省交薦出身嘗為天保宋徽末議二卷又采諸子百家

裨官緝紀之書輯孔子集語二十卷撫古今輔相經濟之業為宅撰成鑑二十二卷景德元年史館

劉克莊謝子強上
之教付祕書省

李君錫

温州府志字宗禹永嘉人博綜經籍援筆成章尤精於禮登寶祐第歷遷諸王教授司農

丞時禮經自王氏倡新學訓詁皆穿鑿君錫學正而博由是推太常丞除直祕閣有雜稿

錢敬直

葉適錢敬直墓誌字敬子永嘉人紹熙元年試禮部第一以祧廟諱改名易直字季莊以

教授入為太學錄博士太常博士祕書著作佐郎
卒易直十歲能通禮春秋三傳以其意作場屋文
字機縱開闊腴澤粹好長老之有聲價者反愧之
稍長學知古人統緒則歎曰時文不足為矣積書
自統緒研覆精必以已所自到者為是由是雲蒸
川沅筆態橫生膏潤水釋義理溢於性沉密不輕
用所能人羣居論難紛起獨不出一語至在本常
乞為范祖禹謚正獻有內侍得旨賜謚者拒弗為

謚人始知其能陳義
憤激蓄而後發云

潘希白

溫州府志字懷古永嘉人入太學有文聲登
寶祐第幹辦臨安府節制司早學詩於趙汝

回復工樂府俱著稱於時卜築柳塘
極山水之勝一時文會名流咸集焉

宋慶之

永嘉縣志字元積文詞典贍登咸淳第
監慶元府鹽倉辟浙東庾幕著飲永集

林一龍

溫州府志字景雲永嘉人在太學不就月書
以求捷進登咸淳辛未第累秘書郎兼說書

性直諒樂道人善工

古文有石室文集

梅時舉

溫州府志字舜臣永嘉人精於史學著
通鑑新議剖析精微多前賢所未發

陳聖元

萬厯溫州府志字道翁永嘉人天資穎秀善
聲律工駢麗早貢於鄉築文峯樓與朋友徜徉

行其間賦
詠自適

胡芳

平陽縣志字秀實九歲默誦九經與弟葵聯中神童科真德秀奇之其學尤長於春秋魁鄉薦

會試下第不復出積書數萬卷自娛晚薦入史館致仕年六十餘讀書不輟

林干之

平陽縣志字能一右庠賜第改文科歷南康江陰教授累樞密院編修知信州明敏博洽

工文詞為江萬里所知家藏圖書法帖甚富鑒裁精密有雲根癡菴集

元

曹楨孫

溫州府志字德堅瑞安人自少工文嘗謂人曰作文譬如立萬人場中非剴然大罵而鳴

人肯聽我乎宋亡寓居平陽梅溪以詩文自娛凡一篇出人輒傳誦生徒數百人

曹理孫

瑞安縣志字悅道博涉經史談性命道德之旨粹然成章郡守趙鳳儀延至學宮模範後

進立教嚴而有法尤善古文得韓歐家法著有

有心遠齋筆記讀書史要畧類編杜詩訣

汪鼎新

溫州府志字進卿平陽人少孤自樹立明周易尚書尤工詩文著有桐陽鶴官平陽州教

授

章嘉

溫州府志字春谷平陽人為永嘉教諭大德元年颺風海溢浙東僉憲完顏貞浙間都司鮮于

樞按勘嘉作風潮賦上之因文薦於朝授國火院編修官嘉詞采雄拔至大延祐間凡兩修郡志

李孝光

元史本傳字季和溫州樂清人少博學篤志復古隱居鴈蕩山五峯下四方之士遠來受

學台哈布哈師事之至正七年以祕書監著作郎召見於宣文閣進孝經圖說帝大悅賜上尊陞祕

書丞卒於官孝先以文章名當世其文一取法古人而不趨世尚非先秦兩漢語弗以措詞有文集

二十

卷

高明

元詩選傳字則誠平陽人至正五年中第授處州錄事辟丞相掾方國珍欲留置幕下即日解官旅寓鄞之櫟社沈氏樓因作琵琶記成几上二蠟炬光忽交合因名曰瑞光樓明太祖聞其名名之以老疾辭所著有桑克齋集束

海趙訪稱其學博而深才高而瞻云

高守奎

溫州府志字應文永嘉人讀書得言外意不錮師說於古今世故靡不窮究方明善據郡

遂避地去文章感

慨有茶菴齋集

鄭東

鄭采

元詩選傳東字李明號果齋平陽人再踐場屋不合主司程度遂棄去大肆力

於古文詞曰試萬言滾滾不休歐陽元功奇其才
欲薦之會卒弟采字曲全名亦相埒遺文合釐十
四卷曰鄭氏聯壁集宋濂序之以為果齋之文氣
質沈雄如老將帥師旗鼓紛錯咸歸節度曲全之
文規製峻整如齊魯大儒衣冠偉然出言不煩曲
盡情意皆有臺閣宏麗之觀而無山林枯槁之氣
也

張天英

元詩選傳字義上永嘉人酷志讀書二十年
穿貫經史徵為國子助教性剛嚴不好趨謁

再調不就遊浙西多居吳下與玉山主人顧仲瑛
相友善肆為詩章尤善古樂府馳驟二李間自號

石渠居士

陳允文

温州府志瑞安人性耿介每慕徐孺子陶靖
節為人乃盡取陶詩和之與人交無町畦望

之知為佳士嘗醉坐樟松橋臨
流歌咏飄然物外年八十終

吳子美

溫州府志字字世英泰順人博通古今善吟咏
所著怡情集多出性情之正詠史諸作卓有

監成

薛漢

元詩選傳字宗海永嘉人為諸暨州學正始擬
北郊制宮懸上之泰定元年選國子助教赴教

上都於古今制度名物創作變易年考月究無或
有與趙文敏號為鴻識得古遺器書畫必令辨之
乃定魯子暈稱其詩律書指嚴鎮有
法而慎慤不矜非雅交莫克知也

陳高

溫州府志字子止平陽人至正進士授慶元錄
事轉慈溪尹皆有聲未幾方氏起乃浮海過山

東河南謁王太傅論江南虛實安危其言娓娓王
欲官之辭不受尋卒其為文上本遷固下獵諸子

詩溯漢魏齊梁以下弗論也自
號不繫舟漁者蘓太守序其文

明

林溫

萬厯温州府志字伯恭永嘉人元季以春秋魁鄉薦文名傾海內洪武初授泰王府教授典閩

浙二省鄉試宋濂稱其詩文本於氣之所養與世之學詩者自異著有栗齋集

余堯臣

温州府志字唐卿永嘉人早以文學著元末客會稽越帥院判邁蓋卿叅政呂珍羅致幕

下與有保越功薦剡文上無意仕進即越之桐桂里治團結茆署曰萊邁已而入吳居北郭與高侶

張羽等為北郭十友
洪武二年授新鄭丞

尹道遜

温州府志字克誠瑞安人七歲工書永樂中以奇童應薦歷官太常卿致仕居官五十餘

年囊索蕭然日以詩畫自娛與吳祚蔡鼎結清樂會倡和吟詠年踰耄耋卒有太極心性圖說歸田

百詠

孫華

列朝詩集傳字元實永嘉人僑居華亭年十三郡守課諸生春陰詩採筆立就落句云柳花只

在斜陽外不肯分明過小橋守大奇之誦經考史以博雅聞尤好岐黃家用薦為醫學教授辭免歲折角巾衣鶴氅衣望山臨水步屨翛然所居小閣列古彝鼎法書名畫焚香靜坐終日書非佳墨熟紙不作飲饌非精潔不食士非賢不與交卒年八十餘

鄭繹

樂清縣志字廷韶登浙省鄉薦沿心瀘洛諸書為文期臻秦漢而詩宗李杜舉進士不第留太

學前後積二十載所講授諸生去而成名者凡數十輩後通判九江長沙二郡卒官舍蕭然寒士莫

及也有詩文二集

學者稱豫齋先生

周旋

分省人物考字中規永嘉人正統丙辰進士第

於學既在選首遂日夜進學不厭為文耻襲陳言務出已意每日引滿三數行索筆千百言立就汗漫演迤理致泓然求者接踵於戶而應之常若有餘有集若干卷

周令

瑞安縣志字異之幼工楷法郡守項澄以奇童薦為翰林秀才宏治戊午會脩累朝實錄授直

祕書厯官太常卿通政使出入禁闥六十餘年始終恭慎朝論重之著有志善集

周綱

樂清縣志字時立家貧嗜學分教清江轉信豐所著有周禮補遺左氏觸瑣等書學者稱玉堂

先生

項喬

溫州府志字遷之永嘉人嘉靖己丑會試第二

由郎署出守撫廬河間三郡歷湖廣福建藩臬

終廣東參政仕宦二十餘年所至多善政平居未嘗一日廢書研窮理奧有所獨得輒劄記以自鏡

為文不事險棘靡豐

著有甌東文錄政錄

方繼學

平陽縣志字一敬燧曾孫始習舉子業不售棄去涉獵經史百家所著有五經辨疑河圖

衍輯鄉先哲文行為江南文獻輯兩浙名人詩為浙音會畧又欲行鄉約正喪禮時稱西堂先生

王健

溫州府志字字佛純永嘉人嘉靖戊戌進士授刑部主事改禮部知制勅擢祠祭儀制二司郎中

奉定樂律及調處宗藩章疏妮妮時論推之陞南光祿少卿卒於官操履清謹詩文典則雅馴尚論

者稱為金玉君子著

有應制錄鶴泉集

侯一元

樂清縣志字舜舉年十三父廷訓以大禮繫詔獄伏闕再上書陳寃狀都御史唐龍奇之

出其父舉嘉靖戊戌進士授南刑部主事積遷江西左布政使所至有惠政解官林下闢園樹日携客登臨倡咏二十餘年文章稱名家居恒莊肅雖盛暑不袒露與人素狎亦未嘗有惰容孝友樂施凡親而貧疎而賢者悉周之所著詩文二十卷

康從理

靜志居詩話字裕卿永嘉人任俠好談兵間闕戎幕劉子高建勳毘陵病卒從理馳赴與

訣經紀其喪扶其柩至武林遠近義之居燕偕黎惟敬游西山其倡和詩尚存餘多散佚太倉曹子彥收而刻之曰

二鴈山人集

王應辰

溫州府志字拱甫永嘉人少慧負奇氣父好積書應辰徧取諸書日誦之不問家人生產

詩文卓然名家所著有
正情集古苔齋詩話

葉耿

平陽縣志字純仁少為諸生領袖通尚書春秋詩賦文翰擢管便就從游者多知名士所著有

尚書翼訓春秋
要畧越東樵語

劉康祉

溫州府志字以吉永嘉人萬歷庚戌進士任南司馬曹憲時事作竅言上之熹宗朝改禮

曹定朝鮮之議續康節之祀於時政多所匡裨出督山右學政歷兩廣憲臬晉右轄平生手不釋卷自經史百家以及稗官野乘咸
丹鉛評點有識匡齋集行世

戴宗璫

戴宗璫

溫州府志字宗璫字瑞喬永嘉人弟璫字瑞洲俱擅文名宗璫以貢

授學博萬厯間與修溫州府志宗璫亦以貢任
錢塘學諭尤精詞翰著名吳中時人稱為二戴

姜準

溫州府志字平仲永嘉人博綜羣籍尤志
甌中典故著書二十七種時稱良峯先生

林應龍

萬厯溫州府志字翔之永嘉人精篆隸擅文
學以不能泐忍推貴久淹印局大使所著有

雅詞補義文說字
海基史傳於世

處州府

宋

管師復

傳詳
隱逸

葉濤

崇禎處州府志字致遠龍泉人熙寧進士以文
章見褒於神宗仕至翰林苑以徽猷閣待制致仕

徙居白下與王安石蘇
軾相友善倡和甚富

鮑慎由

東都事畧字欽止龍泉人舉進士少從王安石學入嘗親炙撫軾故其文汪洋閎肆而詩

尤高妙徽宗召對除工部員外郎歷廣西淮南轉運判官又知海州卒嘗注杜詩有文集五十卷

鮑剛

嘉靖浙江通志字弱翁括蒼人善屬文尤長於詩舉進士不第即教然曰此非吾所學也徜徉

於東南山水間俗事畧不闕意同時陶弼以詩名少許可得剛所作以為出已上願得為友剛亦雅

聞弼因徒步歸之初剛與呂惠卿善熙寧中惠卿叅知政事欲用剛剛即日出京

祝願

括蒼彙紀字景深麗水人大觀中舉八行貢入太學三年以舍選登進士嘗試孟軻勇於義賦

膾炙人口時號祝

孟軻終宣義郎

詹又

括蒼彙紀字持國縉雲人以文學著北使至每問曰詹又尚在否蓋以又為又也累官兵部尚

書給事中歷仕四朝靜正忠鯁為時所忌力丐休
高宗時追端明殿學士主管洞霄宮歸後高宗語
執政曰詹又文章泰山北斗欲
大用之屢召不起卒謚惠安

田君右

縉雲縣志字良臣幼習舉子業嘗一舉不合
時丈尺度遂隱居著書有太極通書說易春

秋管見性理七篇河圖洛書太衍操著太玄辨易
說參同契辨律呂天文地理精考諸史類考共若

卷干

蔣存誠

嘉靖浙江通志字遂明青田人好學工文詞
登崇寧五年進士歷官國子祭酒知饒州著

國子先生集

生集

林越

括蒼彙紀字伯仁龍泉人登紹興二十一年進
士監行在諸司審計司平生學力深於漢史撮

其文附以訓詁五
十篇名曰漢雋

葉禔

括蒼彙紀字天祺麗水人問學該博文詞典瞻
任上饒縣簿馬先祖守建康辟至幕府多所贊

畫梁椅華登雲朱天

民吳梅皆出其門

葉夢登

舊浙江通志字天游麗水人博學多識以文
學鳴嘗哀輯諸儒論史精語為一編名曰通

鑑發揮中景定三年
進士為安吉州教授

葉謙亨

括蒼彙紀字伯益青田人以文章藻繪為士
林推重累遷起居舍人兼權中書終浙西提

點刑獄所至有聲大集五

卷外制二卷奏議一卷

何備

兩浙名賢錄字德輔龍泉人以進士教授紹興
時方與金和好備哀少康周宣王漢光武皆元

帝事可施行者為中興龜鑑上之乾道間以集英殿出知廬州上賜詩祖餞有奏議內外制西漢補遺大學講

義若干卷

鄭克己

舊浙江通志字仁叔青田人登淳熙進士性清逸有晉宋人風範詩自成一家嘗云自是

隆興新體製原非大歷舊詞章官至福建提刑司幹官

朱筠

括蒼彙紀字仲端青田人甫冠以詞賦魁鄉薦繼游上庠中特奏名第二人湯岐公一見奇之命子碩受業內翰李燾時亦從游除蘄春監卒有竹軒小集

胡份

舊浙江通志縉雲人文章氣節為學者宗官國子司業後守鄱陽有詩集行江西汪藻為之序

李桂

括蒼彙紀字芳叔縉雲人饒杭二州教授為文自出機軸從學常數百人多成名士識度偉卓

議論慷慨作詩
有晚唐風致

余璘

括蒼彙紀字仲文青田人不
樂仕進博覽文史著介山集

劉澹然

兩浙名賢錄字安道松陽人舉嘉泰壬戌進
士歷官秘書省著作郎初為舉子游三衢試

士以風雲龍虎之賦魁於衆作邑人項安世徙江
陵其子容孫以浙東憲使行縣展墓安道以啓致
之極其俊逸
著有午溪集

龔敦頤

遂昌縣志原之孫博通羣籍撰元祐建中列
傳譜述一百卷淳熙間修國史授潁州文學

仕至宗
正丞

何侑

括蒼彙紀字德器龍泉人以恩補將仕郎累擢
大理寺丞出知漳州代還尋除江南東路茶鹽

司公勛廉正入仕二十餘年多著績用曾作天爵
銘吏治戒并歎習一篇皆中薄俗又衰次家集五

十卷有覽古史斷二卷

自號存齋寓居雪川

鮑彪

舊浙江通志字文虎龍泉人精史學以戰國策
書失次為之註定時有論說以正其謬又有書

解杜詩注為司
封員外郎請老

張津

括蒼彙紀字子問龍泉人乾道特奏名第四廷
對擢首授太寧簿居官不阿後歸日延邑老成

講學誘掖後進著有曲江
集四書疑義公簡筆錄

季可

括蒼彙紀字處仁龍泉人寶祐丙辰進士起義
烏縣簿累官兵部尚書行樞密院都承旨政績

甚著歸隱古來山所作詩文題曰
隱怪者作著大學體卦五十卷

元

范霖

括蒼彙紀字君澤縉雲人學問該博詞藻清雅嘗被召入獻八卦圖歷代編作圖授翰林編修

出為江西浙江儒學

提舉官至禮部侍郎

陳繹曾

元史陳旅傳繹曾字伯敷處州人口吃而精敏異常諸經注疏多能成誦文詞汪洋浩博

其氣沛如也官

至國子助教

尹廷高

元詩選傳字仲明遂昌人其父竹坡當宋季以能詩稱廷高遭亂轉徙歷二十年始歸故

鄉嘗掌教於永嘉謝病歸

所著有玉井樵唱正續稿

陳鑑

括蒼彙紀字伯銖麗水人典教松陽善詩章有午溪集

葉浚

括蒼彙紀字仲明麗水人通經學著石山樵唱詩集又有葉燧號高溪善詩有和陶集

梁載

括蒼彙紀字遜耕麗水人通經博學著元處州路志姪琪字完珪以文學世其家

項壘

崇禎處州府志字彦高龍泉人好學能文尤長於詩舒穆魯宜孫劉伯溫葉世傑皆相推重前

後續集凡八卷
題曰山中言志

劉明

括蒼彙紀字峻明龍泉人博極羣書而詩學尤粹安南獠苗為亂提兵勦除民賴以安尋退隱

與劉伯溫胡仲淵相友善作詩唱和著集四卷

鄭元祐

元詩選傳字明德遂昌人家錢塘是時咸淳諸老猶在元祐徧游其門質疑稽隱充然有

得父歿僑居平江至正丁酉除平江路儒學教授推江浙儒學提舉卒元祐兒時傷右臂比長能左

手作楷書規矩備至遂自號尚左生為文章滂沛
豪宕有古作者風詩亦清峻蒼古晚年自彙其所
作以授謝徽

名儵吳集

應覺翁

括蒼彙紀緡雲人博覽古今好吟咏著有蒼山集

明

李叅

括蒼彙紀字景叅麗水人詞華敏瞻吟咏得盛
唐體洪武初叅弱冠詣京師應制賦鍾山曉霽
長律稱旨賜宴罷命需次錄用以母老辭歸
家政肅如三世不異爨有泉石藁若干卷

劉鴈

列朝詩集傳字士瑞誠意伯基之孫洪武二十
三年襲封明年以其叔閭門使事有連貶秋歸

里築室於里第西雖山下命曰盤谷謫戍甘肅越
三月赦還永樂中卒有盤谷集十卷盤谷倡和集

卷二

厲光

舊浙江通志字仲潛青田人經史百家靡不淹貫洪武初宋濂薦任本學教諭日訓諸生實學

不徒以文藝相

高著潛居集

王潤孫

崇禎處州府志青田人德性溫重顯然士望文章詩律風韻蕭然明初知縣耿亮薦任學

諭作興學賦通五經尤長於易有圖解集

練魯

括蒼彙紀字希魯松陽人至正間中第南還明太祖詔求人材有司辟魯應聘不得已至武林

作辭病詩九首聲調悲壯思志沈鬱若不知其意之所在歸而閉門謝客復撰朝會樂歌六章喜聖人之世出慶遭逢之不偶卓然可以垂後所著有倥侗集傳世

包文舉

崇禎處州府志字仕登松陽人從王西山受尚書得聞性命道德之學應聘為國子助教

一日太祖召入武英殿賜坐陳二帝三王之道稱旨顧謂近臣曰此吉士也以時訪問數有匡正陞

齊府長史潭王雅重之高麗國亦聞其名

所著有兩卷和陶壁水海岱等集

陳德詢

括蒼彙紀松陽人號少微山人博通經史獨立不羣識者以為有仙風道骨好山水遇佳

勝處輒延佇遐想思入風雲題詠務精絕嘗膺聘不起所著有少微集

王濤

崇禎處州府志縉雲人博學端行家藏萬卷號墨莊著有愚泉集

戴夢麟

括蒼彙紀青田人七歲為文操筆立就一日先輩謂之曰項羽間楚歌賦作者多不工童

子能之乎夢麟唯唯移時草就坐客驚駭曰奇才也有司將以聞於朝其父固辭乃止後人名其所

居之山為

神童峯

吳廷桓

崇禎處州府志麗水人洪武中舉明經任王

潘伯濟

崇禎處州府志麗水人有學行美丰儀明初以明經秀才歷監察御史河南按察僉事有

巢雲集

三十卷

俞廣

舊浙江通志字德濟遂昌人幼孤長克厲於學涉獵既博從先生長者習詩律永樂六年詔翰

林集四方士纂修永樂大典廣以能書薦詔就翰

林益進其藝十八年擢兵科給事中坐累出為邯

鄆丞復遷刑部主事獄

無冤滯楊士奇稱之

周景辰

崇禎處州府志名煥以字行松陽人永樂中薦入文淵閣纂修國史試以篤鸞菊詩立就

推知連城松溪二縣
吏民愛之有東蒙集

黃池

括蒼彙紀字伯生麗水人師事劉基文學器識為時重官秦府紀善多著述有石樓文集

潘琴

括蒼彙紀字舜弦景寧人邃經博史為文典則有古風登天順丁丑進士授南吏部主事歷遷

興化知府乞休作招鶴詞寓意傳聞京師朝士爭和之彙為鶴溪清風卷以寄思家居手不釋卷足不至縣廷文學齒德隱然為東南望卒年九十所著有竹軒集詠史和唐詩行於世

樊阜

靜志居詩話字時登縉雲人成化戊子舉人官延平學訓有樊山摘稿括蒼風雅之士獨縉雲

樊氏門才頗盛時益而外曰叙有用拙稿曰源有竹軒稿曰昌有友菊詩曰甫有磻磔集曰貴有桂

岡集曰鐸有

畏齋存稿

樊濬

括蒼彙紀字時清縉雲人少嗜學善詩章晚居雲門山有雲門集

葉桂

崇禎處州府志字季鼎麗水人適冠博洽經史門壁皆書格言後以貢厯知豐縣生平考著甚

富尤工詩畫別墅在椒山沿流倚岫游者謂不減輞川所著有遵制錄椒山文集

潘辰

崇禎處州府志景寧人由薦舉官太常少卿深契性理博極羣書為文追擬秦漢直內閣二十

七年誥勅多出其手動遵繩墨不以非義自汙所著有南屏遺稿辰父沅清博學工文中正統辛酉舉人曾上車駕幸太學賦深為大司成李時勉所重

朱自強

括蒼彙紀字體乾遂昌人博學好古坐卧處皆置書朝夕延文士談經史析疑義至老不

衰以貢授莆田學訓飭躬却餽士論重之不二年謝病歸著易經破愚四卷

黃中

列朝詩集傳字文卿括蒼人嘉靖中以鄉薦知鉛山縣擢監察御史陞天津道兵備副使錢塘

田汝成叙其集謂括蒼詩派倡自郁離子郁離子沒凡二百年無聞而有黃西野出焉

葉素

括蒼彙紀字尚文青田人選貢任訓導致仕事父母以色養友兄弟白首不二身若不勝衣而

是非可否卓然不可易與陳中州同學亦同志趣每言曰氣節文章吾畏陳子至其間然日章渾然無迹雖中州亦自謂不及也所著有四書節釋易經義記宋元綱目斷陳觀集

葉瑞齡

括蒼彙紀字仁夫青田人任漳州經歷學問該博居官涖事人稱廉介乞歸所著有禮記

柏說杞憂

畧春秋集

潘援

崇禎處州府志景寧人舉人貌古行方憲副沈鍊嘗曰援詩大宜於兩溪問求之兩聘大衡陞

翰林檢討授中書舍人家居二十年鄉
髦或賴有造者有東崖摘稿詩林辨體

李珩

崇禎處州府志字朝光縉雲人敦孝友絕紛華
淹貫詩書出入墳典外則推魯撲誠中則青箱

武庫過游山水必紀其勝文詞援筆立就著醒脾
鐵鏡月岩偶然錄詩韻音釋鐵鏡續龐老人傳皆

裨世教非
苟作者

王養端

遂昌縣志字汝推惆儻負意氣談古今疊疊
如懸河東下古文詞作詩如出唐人口舉

順天亞魁大學士袁燁每推
數下之著有震堂集山居論

吳承恩

崇禎處州府志字朝錫縉雲人涉獵羣書有
異解性至孝居喪三年不御葷酒居東郊結

草堂書樂志論閒居賦於壁以自娛詩才韶令工
書法善丹青寫梅花尤妙絕一時所著有東郊草

堂雜錄醉

素堂吟稿

黃九鼎

遂昌縣志字禹鈞萬厯癸酉舉人除陝州守多惠政未幾解職歸愛西湖之勝遂家焉名

山異蹟題詠幾徧尤善於樂府擬古諸體結社湖山與名公互相倡和督撫劉一焜為梓湖山百詠

七二草
行於世

葉澳

遂昌縣志字爾瞻髫髻時即負大志嘗受知於縣令湯顯祖萬厯甲午領鄉薦因抱疴不顯所

著有四書注翼易通洪
筠志感并詩集行世

吳敬臣

崇禎處州府志字景竹龍泉人聰穎博雅長詩歌工繪畫琴書一室吟咏自如以貢任定

邊令遐荒布德行李蕭然所著
有緬璘館招劍稿此君愛助集

王用臣

青田縣志字羅南工詩賦自經史及星緯鍾律罔不鉤索司訓浦江其地有月泉為晦菴

東萊講學處集士講肄於此尋陞象山諭又遷

南安郡博有藏菴一集二集三集明志錄行世

葉永華

松陽縣志字玉果崇禎丙子舉人對智勇策近萬言主司黃景昉曰此必名士與揭重熙

王宗熙稱海內三奇司成倪元璐謂其文骨峻峭必能任天下事延入西席每與論經國大事著稿

孔集讀
書日記

李邦樑

崇禎處州府志字敬卿縉雲人塊璞類陳同甫讀書鄙章句博洽今古為三都兩京之學

弟子問奇不能難官台州府學訓導嘗賦豆腐為督學鄒嘉生鑒賞台人陳函輝素號博物遇邦樑自誦服再轉九江府學教授告歸所著有積石山房等集大易剖老子玄解捕虎奇門行世

國朝

梅調元

溫州府志字贊臣永嘉人淹貫經史工詞翰以貢授雲和教諭所著有霽月軒詩集行世

與林占春李元發王爾

椒林健號永嘉五子

林占春

溫州府志字梅生永嘉人少孤嗜學博洽淵通以拔貢隱居教授著有與志合璧月令合

纂雪菴詩集
詩餘行於世

趙紹鼎

溫州府志字雲汾永嘉人博極羣書意氣豪邁以貢入京師偕友人宦遊南北所歷山川

風物皆有撰述
詩文尤閑瞻

浙江通志卷一百八十二

欽定四庫全書

浙江通志卷一百八十三

人物

七

孝友

愛親敬長同此良能而曾閔之行終為千古所莫
及是知庸行雖本無奇而純脩非可緣飾也

聖朝孝治光昭敦崇實行

特建孝義祠以闡幽潛俾閭閻知所觀感吳越之民蒸

蒸嚮化孝烏慈水寧獨專美於前歟志孝友

杭州府

漢

孫鍾

咸淳臨安志富春人性至孝種瓜為業嘗有三

少年詣鍾鍾厭瓜謂曰予司命也以君孝感於

天故來耳遂指山曰此堪為墓鍾志之及卒葬焉

墳上常有紫雲曼延數里人謂孫氏其興矣鍾即

堅之先也注舊志謂鍾卒子堅葬鍾於穴按三國

志孫堅傳不稱父名寰宇記謂堅所居其祖植瓜

郡縣志謂堅其元孫
則舊志稱子者非

晉

孫晷

晉書本傳字文度富春人吳伏波將軍秀之曾孫恭孝清約學識有理義父母起居常饌雖諸

兄親饋而晷不離左右富春車道既少動經山川父難於風波每行乘籃輿晷躬自扶持所詣之處於門外樹下蒲屏之間隱息不令主人知之兄嘗篤疾經年晷侍藥石甘苦必經心目跋涉山水祈求懇至尚書張國明表薦晷公車特徵會卒時年三十八

暨遜

咸淳臨安志字茂言餘杭人仕晉為廣昌長封開內侯以孝行著聞咸康五年旌表門閭有碑

在餘杭

縣西

矯皓

太平御覽蕭廣濟孝子傳皓字完起吳郡餘杭人父昆南郡太守被劾入獄皓年十六髡頭詣

闕通章不省皓不飲食懷石腰巾往詣公卿及行路時輒出石置地叩頭流血覆面莫不傷懷遂奏

理昆
罪

南北朝

徐雄

南史張融傳錢唐徐文伯子雄亦傳家業尤工
診察位奉朝請事母孝謹母終毀瘠幾至自滅

俄而兄亡扶杖臨喪
撫膺一慟遂以哀卒

朱謙之

南齊書本傳字處光錢唐人父昭之以學解
稱於鄉里謙之年數歲所生母亡昭之假葬

田側為族人朱幼方燎火所焚同產姊密語之謙
之雖小便哀戚如持喪年長不婚娶永明中手刃
殺幼方詣獄自繫縣令申靈勗表上別駕孔稚珪
兼記室劉璉司徒左西掾張融戡與刺史豫章王
曰禮聞報仇之典以申孝義之情法斷相殺之條
以表權時之制謙之揮刃酬寃既中私禮繫頸就

獄又明公法今仍殺之則成當世罪人宥而活之
即為盛朝孝子殺一罪人未足宏憲活一孝子實
廣風德稼章王言之世祖嘉其義慮相復報乃遣
譙之隨曹虎西行將發幼方子憚於津陽門伺殺
譙之譙之之兄選之又刺殺憚有司以聞世祖曰
此皆義事不可問悉赦之選之字處林有志節顧
歎見而異之以女妻
馬官至江夏王恭軍

杜栖

南齊書本傳字孟山錢唐人徵士京產子從儒
士劉歊受學名儒貴遊多敬待之刺史豫章王

聞其名辟徵曹從事仍轉西曹佐竟陵王子良數
致禮接國子祭酒何子季治禮入重栖以為學士
寧婚冠儀以父老歸養栖肥白長壯及京產疾旬
日間使皮骨自支京產亡水漿不入口七日晨夕
不罷哭不食鹽菜每營買祭奠身自看視號泣不
自持朔望節歲絕而復續吐血數升何點見栖歎

白卿風韻如此雖獲嘉譽

不永年矣卒年三十六

褚修

梁書本傳錢唐人父仲郁天監中厯官五經博士修少傳父業通孝經論語善尺牘初為湘

東王國侍郎稍遷輕車湘東府行參軍並兼國子助敎武陵王為揚州引為宣惠參軍限內記室性至孝父喪毀瘠過禮因患冷氣及丁母憂水漿不入口二十三日每號慟嘔血遂以毀卒

唐

何公弁

唐書孝友傳公弁餘杭人成化杭州府志事親居喪著至行與方宗章成緬並稱

章成緬

唐書孝友傳成緬於潛人續文獻通考喪母廬墓烏鵲來巢廬鹿共處貞元中表其門人

以章孝子稱之

田彥升

傳肱蟹譜杭俗鄙食蟹時有農夫田彥升者家於半道紅幼性至孝其母嗜蟹彥升慮隣

比窺笑常遠市於蕪湖間熟之以布囊負歸俄而楊行密將田頌兵暴至鄉人皆竄避山谷糧道不接或多餒死獨彥升挈囊負母竟以蟹免時人以為純孝之報

宋

李瓊

宋史顧忻傳仁和人李瓊以鬻繒為業事母孝夜常十餘起省母母喜食時新瓊百方求市得

必十倍酬其值續文獻通考瓊幼失父孝於母娶妻有子移居母室母諭之曰汝年來筋力頗憊盍求婢以侍我瓊曰凡母所欲不親經手意如有失耳市人知瓊之孝者物新出必先求以奉瓊湍川人張用聞其至孝因遷與隣居

蔡汝揆

咸淳臨安志良山門外太平鄉蔡塘東里人朝奉大夫通判瑞州母沈氏卒汝揆尚幼父

霖用浮屠法火之汝揆以父澤入仕每傷無松楸之地言之輒泣刻木為形衣衾棺槨擇地而葬仍

置贍塋旧建庵屋命僧

守之鄉人呼為木娘墓

孫長者

兩浙名賢錄佚其名富春人母病躬親藥物目不交睫衣不解帶及母死身已病將葬竟

死臨終語諸子曰吾生不能送母於穴死斂吾以衰經庶盡吾孝於土中時皇祐間也子式企進士

第

范鐘

幕府燕談字元亨父本臨安人在市賃巾幘者有婢雲川人生一子即鐘也婢約滿告去不知

所向鐘浸長讀書取科第授某尉嘗欲訪母而無踪跡偶經雲川至一波口茅屋中一媼曰少時嘗

備於臨安城一頭巾肆中曾生子既歸不復相聞
今頗聞其子已讀書取官鐘曰何不往見之姬曰
貧窶如此雖見豈能相認鐘徵其生年月日皆合
大驚即拜認之姬倉皇未敢鐘具衣冠迎歸後綰
郡符持使節姬皆享
其奉慶元初始卒

毛存

國繪寶鑑杭人父伯益生流嶺表
存跋涉數千里函骨歸人稱焉孝

周阿二

成化杭州府志鹽官人母俞氏病阿二與弟
阿三各剝肝以療又幼弟阿九通體鈎燈以

衛病
乃痊

盛立旺二子

成化杭州府志富陽人立旺妻病其長
男剝肺次亦剝股邑令程璘作詩揭其

門嘉定於酉
六月旌表

葛小閏

萬歷杭州府志富陽人甫九歲母朱氏病刲股為粥程琬為令引至前齒未亂也遂上其

事於府嘉定癸酉九月旌表

周雄

徐士晉周孝子碑記字仲偉新城人事後母素謹賈於衢聞母病急破浪以出為水所沒越日

屍浮於江顯神於衢帝感其孝勅為江神新城父老即以其宅為祠

朱應孫

嘉靖臨安縣志咸淳間人母臥病且劇應孫號呼迫切醫禱弗痊乃刲股肉作糜以療之

母疾遂愈成化杭州府志咸淳丙寅五月旌表

俞大成

俞廷用

俞亞佛

萬歷杭州府志臨安人亞佛年十一母病刲股

以進廷用與父大成皆嘗刲股至亞佛凡三世云咸淳丁卯旌表

陳茂祖

嘉靖臨安縣志居錦北鄉父德病久醫禱弗
瘳乃刲股療之父病遂愈後父歿哀毀骨立

廬墓三載成化杭州

府志咸淳丁卯旌表

龔溥兒

嘉靖臨安縣志臨安民龔文子文病甚溥兒
刲左股以愈其疾成化杭州府志咸淳戊辰

旌表

梅來兒

夢梁錄昌化農家子母病篤百藥罔效思劬
勞之恩無以報答乃刲股以進病隨愈成化

杭州府志咸淳戊

辰十一月旌表

元

俞全

元史羊仁傳全杭州人幼被掠賣為劉鮓家奴
後獲為良自汴步歸尋其母及姊得之事母以

孝聞

鄭萬戶

輟耕錄至元間杭州鄭萬戶天性褊急不能有所容奉母備極孝道母誕日垂至預市文

繡毯段制袍為壽鍼工持歸縫綴既成為油所污時估貴重工莫能償自經不死隣婦有識其母者潛送入白之至日母卧不起子至候問安否曰昨暮偶視新袍儿上油在濺漬成玷我情思殊不佳月子告曰一袍壞復製一袍可也母遂起人咸以此為賢母而益見萬戶之孝

陳斗龍

胡長孺陳斗龍傳字南仲昌化人父澤民母盛病死斗龍處喪哀毀廬墓有群雁集其上

飛鳴三日夜後娶有告者曰若母王氏產若未一歲歸錢塘聞其家在清湖中斗龍大驚且哭即日與婦訣曰必與母俱歸初澤民以妻無子如錢塘求宜子者得王民生斗龍未周期滿遂去斗龍至

清湖訪其母家涉二三十年同無在者逢白髮媼告曰若母歸江東斗龍即入江東入濟江踰淮走饒徽廣德寧國凡六年於永豐縣禮賢鎮得焉母為施氏婦老矣施氏因其母無子女以母還之斗龍奉母歸其歲夏四月徽盜作溢出昌化境斗龍為盜百大山身自負母婦擁後未至路逢盜數百人斗龍稽首曰壯士斗龍幼不知母間母在江東行求六年始得母歸未百十日即相遭於此斗龍夫婦當死母老誰與養母者盜憐其孝相約遣去且戒勿更至此山驚母傷孝子心里中人亦賴以免

潘生

吳萊潘生傳富陽人幼喪父與兩弟奉母大德間江南大饑自度曰吾終無以給母則母子俱死即以母屬兩弟自儲回鶻人乃告母曰兒當儲錢塘數月得錢米活家母勿憂既回鶻人轉賣遼

東軍戶遣代戍虎北口曾有詔江淮子女流徙者
悉還鄉土遂從遼東還道遇一女子鵲鬢尾行問
之則曰淮產也君南人幸挾我同歸於是日即操
觥道乞夜泊葦中曾無一語及亂渡淮送女到
莊女上堂見父母攬涕相抱持詰門外同來者即
引生更衣具酒執醢跪曰吾女幸完骨肉君去家
父母不知存亡歲丁荐饑雖有兄弟亦恐不能存
活吾女實君箕箒妾也君必無歸生穀然曰吾母
周哀老度尚可活今遂不歸是吾遽死吾母也遂
歸母死已三載兩弟亦死生追服制食其故技於
終鄉以

周德驥

徐一夢周德驥傳字仲良新城人父蚤世事
母備至起居飲食惟母意是適依戀若嬰兒

然母病營救勿效夜輒向天而禱願減己壽以益
母壽一夕見有神人手執蓮花告曰不必爾也誦

法華經六十部則爾母差矣驥用神言持誦惟
謹至正之季隱桐廬山谷巾子昉亦以行誼著

明

鄭壁

嘉靖仁和縣志字伯規仁和人讀書好古詩文
清雅事親孝父歿方殮鄰不戒火幾延居室壁

被髮攜額額天號泣身捍父拒天為返風息火竟
得保全人共訝之居喪三年不御酒肉母歿亦如
之父友陸璘家貧無子父嘗許以葬地後璘亡壁
購地以葬曰無使先人食言地下翰林張益為鄭
孝子傳

姚文

兩浙名賢錄杭州前衛左所軍早喪父事母盡
孝身隸戎伍每晨出趨役必拜母而往暮還如

之母卒擇葬玉泉山詰旦有虎聚其
地相跑成穴遂葬焉其孝感如此

馬純

陳贊馬孝子傳字叔良其先西域人元末父景華避亂居錢塘遂為錢塘人純弱冠父景華歿

一慟輒頓絕父臨終時囑純曰我葬後當十日一省墓純如期必往哀哭奉母復備至母疾徬徨營救形為枯瘁母歿號泣勺水不入口者三日既葬構一菴墓傍居三年作哭母詩懷母賦以寫其哀鄉人誦之咸稱為馬孝子

何良

成化杭州府志字永年富陽坊郭人年十四母疾封股以進父病露禱於天乞以身代父嗜鱸

魚臨終思之歿後臨祭所居後有鱸躍於岸取以供祭又夢母思鹿肉入山適有鹿馴伏就縛載歸

以祭人謂孝感所致

何訥

成化杭州府志字養仁富陽坊郭人事父永年母鍾氏甚孝或他出雖雨雪必歸父歿負土成

墳結廬墳旁以居終制之日聲
鳥飛遠墳所成化三年旌表

董謙

嘉靖海寧縣志有孝行親
喪廬墓成化中表其閭

陳璋

兩浙名賢錄字廷章仁和人早遊郡庠以貢入
太學天性純孝不以貧故儉甘晚之供父老癰
卧便溺數下璋晝夜不離側衣不解帶假寐以湏
父欲興即扶掖頸不投枕者十餘年父母歿竭力
營殯絞衾棺槨如禮

潘鶴齡

於潛縣志歲貢生性孝喪母廬墓
日夜悲號虎狼過其廬不敢近

金洪

萬厯錢塘縣志祭如里人事母盡孝嘗割臂肉
愈母疾及歿刻木像工人以血料塗塑洪曰奈
何以猪血汗母身刺臂取血盈盂周塗其像朝夕
奉事如生時又體母意養負女弟割產中分之成

化未
奏聞

孫經

寧志備攷農家子也父早歿與弟緯躬耕養母母有奇疾非藥餌能療但思食一物隨得隨起

稍進即劇二子竭力營辦備諸品以俟一日疾作思蝦羹二子即蝦田事徧求諸市中不得正跼蹐忽於水際見水動二子競解衣入水求之得巨蝦數尾急調羹以進母病遂已

王葵

萬歷杭州府志字士忠杭州右衛人博觀羣籍力於孝弟旦夕羞養必躬親出必告所歸必詣

膝下肅揖親常怡色則喜否則懼戒家人無敢出聲伯兄歲行役葵治家不庸一私錢母憐之與五金營兒女費墮父母亡伯兄求析居業已均產葵頗妻取篋中七十五金來仍兩均之兄問安所得金曰是某年月日阿母與吾五金營兒女費者也吾息之幾年得此義當與兄共其出納具有時日

不與

云

孫宗黻

兩浙名賢錄字仲文錢塘人六歲喪父與寡母相依為命及長益竭誠奉母母疾衣不弛

帶以侍湯藥母終哀毀晝夜不輟居喪三年廬於墓側既免喪猶日操一舟攜一飯一蔬至墓所展哭墓之左右有以墓地求售者宗黻慨然曰吾欲廣吾親墓而使若親無葬地可乎厚加稱貸而謝之地得不售人謂孫孝子於是乎能錫類矣及年逾八十病將卒猶扶掖至母旌節坊下稽首以示終身不忘

母氏云

翁浩

萬厯錢塘縣志字世宏事父母至篤出必告反必而既歿告於祠堂至老如一日嘗入京師在

舟中反側不能寐少寐輒見母病狀驚寤遂歸母果感疾常與伯兄從子析質時有故往吳郡還書

誠子曰吾誠恥是爾無取均焉子來教祇取一二
歲者與宗姻處至老無纖毫介蒂人稱長者

孟春

萬厯錢塘縣志居芝松里年二十九以貧出傭
得錢供母成化中鄰火延燎迫其居母卧不覺

春聞以歸不顧烟焰入負母或止之不聽遂與母
俱焚死萬厯中湖墅大火諸生李中華自外歸火
已及父尚在屋內與弟入覓之再三
不得父子三人俱焚死事與春同

章鉤

舊浙江通志別號淡塘海寧人生成化之乙酉
終穆宗朝壽一百有二性至孝學行端凝當路

器之欲以經術薦用時母登上壽鉤上書辭辟以
終母養母終年九十有九母子壽登二百齡人號

人瑞

徐顯

錢塘志補字子淳錢塘人正德辛巳進士授南
京刑部主事折節講學慨然慕明道晦菴之為

人晉員外郎轉儀制司郎中出守臨江五年不調
考績行過家病卒顯少年善飲父誠之遂絕不飲
及燕鹿鳴以未奉父命一舉解而已父嘗患怔忡
不解衣者半歲父歿養母躬備甘脆家事必稟進
止有弟三人廩祿資財悉付而均通之

凌立

兩浙名賢錄錢塘人少孤事母以孝聞登嘉靖
進士官比部遷建武太守多惠政為僚黨所忌
罷歸奉母色養備至老而彌篤母歿哀痛
骨立數月竟卒人謂終身之慕立無媿云

徐輅

舊浙江通志字鳳橋海寧人性至孝弱冠游金
陵偶念及母老逐連夜發舟惟恐不及上堂
問安怡然色解後裹足不肯出以易經題嘉
靖庚子榜筮仕闕永安縣有異績祀名宦

凌貴

嘉靖仁和縣志字克和年十二父謝世侍寡母
以居母罹暴疾羣醫罔治剗股和藥以進乃愈

嘉靖甲辰歲大歟郡人競以黑菽濟饑貴曰此非所以養高年也力營精膳以進而已與妻子則甘

糲食邑大夫以

敦孝表其門

江圻

分省人物攷字子望仁和人晚之子隆慶戊辰進士授南京刑部主事陞郎中推廣西提學僉

事性純孝父母病衣不解帶行不正履居父喪泣血三年食淡茹素不入燕室每過內目俯不一視婦過亦如之方承天每稱之曰江子望居喪有古人所罕聞今人所未見者

褚負

徐一夔風木軒記錢塘褚負字本中性至孝稍長喪母既壯喪父哀痛幾不能生母歿之歲有

嘉木二茁於所居牆上枝葉類檟桐負移植於所居之傍十閱寒暑二木劍拔而上父歿嘗與二弟徘徊樹下有風颯然起於木末俄而怒號樹欲仆負曰古人有欲養而親不逮者以風木為喻因相

向大慟遂名二木

處曰風木之軒

黃裳

分省人物考字子重錢塘人性孝友母病醫藥必親嘗禱祀顙天丐以身代不得哀致至骨如

柴棺欲喪祭之具不以貧故有闕居喪三年如一
日懼傷父心朝夕率子婦上食問寢七年父亦歿
時屬儉歲資用不給拮据營厝必如禮乃止

虞舜卿

萬歷錢塘縣志字國賓篤於孝友代兄漕濱
死不怨酬以腴田轉授諸姪一日哭父墓聞

空中語曰有虎甫下山而塚有蹄跡矣夜奔
視母疾有雙燈自移引路人皆以為孝感

葉文榮

名山藏海寧所軍餘弟文龍殺人坐法其母
愛弟涕泣不食文榮謂母曰弟年尚少我長

矣又有子請代弟詣
官服殺人罪竟坐法

董嗣昌

陳興郊三孝子傳嗣昌海寧人兄嗣晉弟嗣昌並邑諸生大父樹父成身世以孝友聞嗣

晉兄弟三人飭躬勵行期不負祖父之訓萬歷己丑歲荒五月疫作父及繼母蔡皆沉疴三子侍疾惟謹越七日母亡殮訖三子事父憂勞益力越三日嗣晉卒又踰數日嗣昌亦卒嗣昌以母兄之痛方殷弟喪之殮更亟時父病轉劇乃封股和藥以進父服之得甦乃罄資具喪殮鮮薪水贍幼弟妹人則和顏慰父出則泣血服枯越五日亦卒里人上其事於督學使者旌其問曰一門三孝

胡化

海寧縣志字德甫胡陳里人父病夜禱於天割股以進而病愈再病亦如之家人終無知者已

而父卒化哀毀過禮兄弟析產則讓膏腴而取硯瘠浙西岸盜起相成毋入胡孝子里

朱暹

七修類藁餘杭人父故與弟昌事母至孝家雖貧母欲之物必多方致之以悅其心母病失明

求醫莫治與弟晨起盥漱祝天合水緣之月餘母
目漸爽適年復明杭俗春時四方多來湖山其母
亦欲往迺不能倩與與昌以竹椅舁往各寺每歲
率以為常母年九十終家浙豐裕蓋天所以報孝
也子

沈孝子

杭州府志沙村人其名不傳萬厯中山水暴
漲高至大餘深廬舍母沒入水孝子號慟躍
入洪波中求母明日於瓶窰鎮逆流上三十里還
至沙村母子俱死里人駭異收葬之至今沙村有

沈孝
子墓

胡文奎

餘杭縣前志餘杭人少失父奉母甚孝萬歷
戊午七月十五夜雷雨交作山水突至文奎

亟負母避難呼婦孺兒急起方離床床即浮蒲出
屋屋隨漂折正遑遽間見堆阜有桑林即奉母緣

置其上。是時婦提幼子呼救。奎曰：「我但能救母，不能救若等矣。」婦子皆溺死，而母獲免於難。

何倫

兩浙名賢錄。字士明，錢塘人。父病，不解衣侍湯藥者五閱月。及卒，哭踊不欲生。及葬，躬負土成墳。

晨夕攀柏而號，哀感行路。以母病，弗克廬墓。歲大祲，與妻子雜採湖中菱芡共食，菽而飯。三時上食，列簋如故。其母不知為祲歲也。蓋甘倫之養者三十年，八十乃終，而倫亦白首矣。

袁用

舊浙江通志。字廷用，新城人。性孝友，與仲弟璣同居，鬻歷三世友愛無間。

陳九臯

舊浙江通志。臨安人。母故痛哭幾殞，父遺疾，額天祈代割股救愈。

金震

臨安縣志。丹沈氏有疾，割服二次，獲痊。事周撫按給扁。

俞爾奎

杭州府志。臨安人。年十四，兵至爾奎匿複壁中，聞父被執，急趨出，願代父死。兵遂殺爾奎。

而留其父

郭金科

明孝友傳錢塘人萬歷甲寅夜火焚其廬金

母邦人止之不得烟燄障塞竟焚死明晨出其屍

煨燼中子母相抱不解推闕楊師孔題曰郭孝童

御史聞之命葬之孤山表曰郭孝童墓

何應達

杭州府志號雲臺天性孝友奉親備極豐腆

而儉薄自甘父歿哀痛號泣見者多為出涕

五

陸東

杭州府志字宗望仁和人三中副榜不第遂入

替而弟婦少寡悲敬養之終其身兄弟皆有子俱
天悉歛葬如已出入為兩嫂連舉大喪動皆循禮

子運昌

舉進士

徐文斗

新城縣志慶餘子隨父官珙城時流寇掠
城邑慶餘被執文斗請以身代賊並殺之

姚自虞

陳廷會姚孝子傳字象梅由鹽官徙錢塘以
親年老奉養不離左右者數十年天啓間杭

火延燒數十里值自虞掃墓歸倉惶不辨門徑冒
走烈火中髮盡焦烟奉父母徙他竄出天忽返風

自虞屋宇獨存中丞孫公旌其門曰孝感自虞先
世鍊籍尚衣府典籤當以自虞兄克補自虞曰吾

兄方冀上進以慰兩親奈何以俗吏擾
之乃身任其事崇禎己卯以壽終於家

孫駿卿

新城縣志性至孝母疾割股以進疾
遂愈兄歿遺孤甫六歲撫之如己子

何蘭旌

應撫謙何蘭旌墓誌字湘來錢塘人早孤祖母與母撫之成立祖母年八十餘蘭旌孝養

不懈疾草哀號頓地絕而復蘇母病侍湯藥晝夜不解帶目盡腫葬值隆冬哀經徒跣冒霜雪行百里足凍指墮遂成瘡疾每念生不獲養親凡歲時不受子孫拜賀斷諸滋味僅供脫粟而已崇禎辛巳歲大饑給糜粥施藥餌全活甚衆少為名諸生經史百家靡不通貫尤精於易言方行矩為鄉里所矜式學者稱江澣先生

孫起觀

富陽縣志少有志性父廷楫為宗人所忌值伯兄與從兄忿爭從兄避迨身死并訟及廷

楫竟坐論死時起觀年尚幼往來赴訴多中夜間行艱苦百出一日夜行遇虎暗中相觸迫視之虎也竟糾耳去人以為孝感後廷楫終得昭雪問里咸稱為孝子之力云

駱繩先

舊浙江通志臨安人聞寇警祖母陳年八十矣不能行嚙繩先速避去繩先涕泣交頤卒

不去寇至俱被殺

柴世堯

舊浙江通志字雲倩仁和人四齡喪母事後母孝父紹勳宦遊獨家居奉祖弱冠中鄉舉

及會試得父手書言病心動流涕棄試奔歸而父已卒扶櫬歸里服闋後母在堂曰吾寧以三公易一日耶方伯朱本吳疏薦詔下特徵力請終養不赴迨後母卒所生僅三女盡出家財贈之著蝶園集行世

徐周官

錢塘縣志字又旦母病劇嘗湯藥侍床褥晝夜不離者數月百計醫禱請以身代及歿哀

毀幾不能生事父尤色養曲意承順能得惟心解兄弟友愛諸姊甚篤族人國課不能償悉周官代

輸歲以為常貧不能葬及無後者為維持經紀
咸黨中貧乏者周恤備至賴以舉火者數十家

祝匡文

海寧縣志字光升貧甚兄巨文卒遺孤四匡
文獨力為人傭耕以給家食崇禎辛癸間歲

大歉匡文必先飯孤兒
自疎糠藿咽之得不死

傅齡發

錢塘縣志字長含弟齡熙字長穆並儀部嚴
子嚴遇難刃將及齡熙時年十四以身蔽翼

其父刃著於頰而死齡發起救矢透左腋而介少
頃復甦見父弟死慟曰吾一家可謂無負國恩矣
遂以手扶其創創裂而卒時三屍皆枕深草中三
日嚴妻姜與其長兄齡文始克殮荒山無人僅收
其骨遙各以墨志其解股匣之以歸後二十年始
克葬皆有文名與其伯兄號三俊俱殉父兄之難
節烈孝友
出於一門

俞可章

臨安縣志貢生生二子爾晉爾鼎明末父子為寇所執可章賂以金贖子死二子跪泣求

留父父子三人抱泣爭死寇盡殺之

俞守正

臨安縣志年甫十三寇至同父一觀被執寇殺一觀見守正為童子欲挾之去守正曰父

死子義不獨生遂并殺之

俞爾濱

臨安縣志生員俞可鈺子事繼母至孝寇至母方氏閉門經死爾濱繞母屍而哭亦為寇

所害

國朝

郭氏三孝子

舊浙江通志仁和郭仲和有宋賜祖墓在靈隱寺西為土豪曹氏所佔其父渠

南力不能勝忿鬱成疾仲和走都叩闕曹懼尾至
清河擠之水中死及渠南病仲和子府年十二割
股肉以救祖郝家火府負病母冒烈焰踰牆出遂
得俱活後府病府子嗣汾禱天日夜不止忽聞空
中有聲云增孝子父壽一紀府夢神以紅丹一丸
納入其口病漸愈嗣汾後又復其土豪所奪之墓

雪祖

父仇

顧大觀

舊浙江通志字維垣先世自會稽徙錢塘父
恒字客粵卒大觀甫十二聞訃擗踊號慟即

問粵路所向祖望龍撫其背曰爾志奔喪耶粵將
萬里奈汝幼何大觀以首搶地不欲生不得已許
之竟走粵扶柩歸途過彭口經小孤颶作舟幾覆
同載者皆失色大觀伏柩側號天慟哭颶忽止舟
中人皆顙手曰吾等幸免魚腹者實賴此孝童於
是人咸目為顧孝童年十六祖病疽殷床褥間泚

滌拂拭不稍怠及沒號慟如喪父事母陳盡孝與弟友愛無間年各六十猶同嬰兒侍御豹文鄉賢留祀冊大觀以信義自負葬其死友俾祀事無缺宗姓之孤寡者贍之終身明季潰兵掠子女傾橐贖還其家歲饑設粥捐賑活人甚多

丁大綬

杭州府志字步玉仁和人五歲喪母後母鄭生子錫俱就塾大綬以弟幼掖之行雨則傾

其蓋以覆弟及婦卒恚以婦遺簪珥為弟娶婦亡何弟病亟目視兩子者再大綬曰汝子吾子也敢有二視耶呼已子與姪俱前長景儀次澎次景鴻次濬曰汝輩雖同堂當如一父之子故景儀兄弟出入起居無弗同者負郭田四折之為弟子娶婦先於已子焉鄉賢留祀冊所著有家訓輯畧行世

張渭芳

張芝夢

舊浙江通志錢塘人母沈氏病篤渭芳年十七祝天割股以進母病

遂瘞後復發欲一見媳媳江氏女也入門年始十六亦潛割股以獻姑剪深見骨暈而仆小姑驚呼江亟起掩其口而陰以股肉煮藥進姑亦愈其時有張芝夢亦以孝稱與妻楊侍老父病衣不解帶者經年夫妻先後割股呼天求代父病以瘞巡按王元曦嘉之以額表其門

葛念

舊浙江通志字思善父邦以輸糧北上卒於途不知其地念年未成童聞訃幾絕便欲覓父死所衆以其年少固止之甫長親友勸要泣曰父棺未及歸葬何以娶為遂徒步走千里外經三載始得其戾撫棺慟

哭負骸骨歸

呂蘭

舊浙江通志字谷芳少失怙年二十六家貧未娶與母蔡氏相依為命性好學喜作詩以嘔血死母益困蘭素與毛人慶友善一日人慶疾忽作蘭語曰我谷芳也予生不能養母今雖死魂魄猶

陸承祺

陸承祚

馮景二孝子傳陸夢蘭二子長承祺字又祉次承祚字端明夢蘭客

依母側子母不食已二日矣從公乞升斗以給吾
母人慶家亦貧持錢二百文以餽其母聞者泣下
死鬱林時方軍興踰年而凶問至二子年尚弱號
慟拜辭其母曰兒不得父骸不生還矣家酷貧二
子焚燹走萬里道乞食而進歷烽烟戎馬間得至
鬱林有老嫗煮糜以給餓者二子就食遂問之嫗
指叢菁中云彼纍纍者率朽敗不可問傳云是中
有浙人未知是耶二子乃詣前刺血滴骸間十餘
棺皆格不入二子拊膺叫天哀感行路忽遇父故
人導棺在蕭寺二子隨以往撫棺一慟皆隕絕時
聚觀者見二子死急以水漿灌其喉久之承祚甦
而承祺死矣承祚子身置兩骸左擔以出蘭足鰲
面還家報母而母已蓋棺數日先是承祚道過鄉
人寄書歸母見書慟哭曰不意吾兒先我見夫子

地下既卒哭歎曰夫柩已歸吾復何戀絕粒六日而死承祚季弟承烈年十四哭諸有司之庭請祀承祺於學官而載母與兄於郡邑志皆如其請

徐繼恩

舊浙江通志仁和人父偉章以孝稱後臥病子繼恩割股以療之病遂愈後繼恩病子鄰

亦割股救父得瘥人稱徐氏世孝

霍祿科

杭州府志錢塘人康熙五年火及其廬祿科父萬言年八十餘蹢躅未出祿科冒烟救之

其子文舉復入救其祖父俱焚死次日見文舉灰骨猶依祖父膝前人稱為一門孝子

楊斌

海寧縣志字乘六杭州府學生以次子雍正貴封徵仕郎吏科給事中性至孝初丁乙酉之變

兵及母頸斌號泣請以身代兩釋之

王一麟

杭州府志府庠生錢塘人少孤力學母邵哭夫失明一麟舐目復開祖母亡廬墓枯柏復

茂康熙十

二年旌表

燕士俊

杭州府志錢塘人國初江南敗兵入浙士俊奉母避梁渚母驚憂成疾禱天剪股納藥母

病得痊後母卒哀毀幾於滅性終身布衣蔬食祖志學以醫名俊傳其秘治病多奇效

王修玉

舊浙江通志字倩修父世明歲貢為郡陽令修玉弱不好弄惟嗜讀書方成童祖母陳老

且疾每夜露香祝天願減齡益祖母壽父以誣獄

被逮吏卒環衛甚嚴修玉往視鞭笞文下不為動

父在縲絏凡飲食波瀾俱為扶持其後學益進與

毛先舒吳任臣交著作甚富尤工於詩著有汴遊

松壑蕭遠堂據

梧叢說等集

沈棄疾

公舉事實字又辛海寧諸生父異號絅菴博極羣書潛心理學身體力行家法謹嚴著有

待後集八十卷藏於家以讀書積德垂訓後人棄疾克承家學善繼其志性至孝童年母患弱症每夜祝天求代甫結禱率婦金恣售簪珥易衣飾以供醫藥母歿哀毀備至喪葬盡禮兩季弟俱在羣齡屬金氏撫之成立仲弟祿早夭遺孤六歲恩撫如已出飲食衣服悉與子均授產授室至年三十始析居待兩季弟怡怡友愛垂白無間言從叔去非以誣陷入獄而病其子適患痢不能入侍乃代之往夜則手奉湯藥旦則力訴憲司情詞真切感動當事得保釋歸歿於家後其子無力舉殯出金助葬入負不能卒歲餽以薪水猶不給甫歲朝即令妻拔簪上替脫所服襖畀之典質習以館穀置族人采臣田采臣歿憐其妻張氏能立節撫孤遂焚券而還其田家本儉素而解推之舉棺殮之贈不

一而足皆拮据國之無少德色年六十無疾卒以子翼機官侍讀學士累贈中憲大夫

何嘉諫

鄉賢留祀冊富陽諸生少喪父一慟幾絕及葬願以身殉卧父穴中抱父棺不出母命強

出之歸慟哭不欲生者數月母病湯藥親嘗母卒廬墓三年墓傍產芝草數莖人稱孝感當道得蔣

姓遺金立驗明還之葬族人三世遺骸友人胡紹宗家遭疫厲死無所歸恚為殯殮其他善行甚多

孫鳳奎

鄉賢留祀冊餘杭庠生順治己亥父膺歲薦廷試鳳奎念親老隨侍扶掖馬問歷數十

晝夜無倦色返至淮揚父病卒於舟時值海寇兵

戈梗路覓棺不得鳳奎號泣呼天遇老人指示購

得棺以殮扶櫬渡江歸躬負土築墳手植松柏廬於墓側墓產靈芝數莖兄之泓家失火卧樓不能

下鳳奎冒烈焰越牆而上掖兄出得免於厄

汪于高

仇兆鰲汪于高傳字昭武號睡菴錢塘人父

獨行自里門達父所凡十數里遇所親欲攜之歸
必不可廼偕往待湯藥惟謹父歿哀毀骨立與兄
居再世不分爨于高素豪於飲自兄歿遂終身廢
杯勺族母家被火于高冒烈焰出之火中宗人某
其業師也亦掖之出方燎原時于高往復數四被
熏灼無完膚卧病月餘得不死鄰鍾某負債將執
其妻俱去于高聞為償其逋鍾詣高請為奴于高
曰我極汝夫婦而復利汝夫婦耶遣之喜書大字
製筆長丈許肩背並用有五字勒

石天竺寺門縱橫尋丈筆法入古

凌紹乾

錢塘縣志字子健康熙己卯副榜父病願天
願以身代奉母盡孝母卒哀毀骨立遂殯其

身生平注經史性理諸書有問是師
是移是因是等集行世崇祀鄉賢

查繼輔

鄉賢留祀冊海寧人父疾祈以身代果染父病久而始愈母病日以舌舐之數月復明弟

早歿撫孤姪與

諸子同子嗣韓

董玉煒

公舉事實餘杭人性孝友父天根病目失明玉煒顙天哀禱早晚以舌舐之父目復明母

趙患疽奄奄一息醫藥罔效玉煒口吮患處毒退獲痊年五十子孫滿前而父母穢器必親自洗滌

父母歿悲號慘怛喪葬不遺餘力崇祀鄉賢

羅萬國

題旌冊仁和人弱歲喪父號泣如成人及長事嫡母九孝謹母患疽親為吮毒母卒刻木

以供朝夕奉事如生時事

聞未旌

金世臣

杭州府志仁和人除夜隣火延燒世臣負父出烈焰中焦頭爛額死而復生具題奉旌

廬必陞

錢塘縣志錢塘人叔無子以必陞嗣本生父病思食蜉蟻非其時莫致必陞攜筐採取風

潮忽至沒於水漁者救之猶手蜉蟻不釋所嗣父被流賊冲失時方盛夏呼號奔走滿足血淋尋見

同歸父卒

明

三年事

許嘉賢

富陽縣志字心裏事親色養備至父病刲股和藥以進歿則哀毀勿勝結廬墓側具題奉

旌

謝勛

題旌冊於潛人性至孝山賊狎至勛語妻子曰吾為母不暇計若等矣遂棄家負母潛逃母子

俱得免具

題奉旌

洪宗漁

公舉事實字昉叔仁和人六歲喪父家甚貧母汪撫之成立比長為人會計得俸歸竭力

奉母年逾三十而不能娶康熙戊申秋母患惡痢
百藥罔效宗瀕徬徨無措乃冒雨走三十餘里詣
東嶽祠叩首哀號願以身代不數日母病頓愈宗
瀕遂病不起兄疑為積勞所致急延醫調治宗瀕
謂兄曰弟已投詞東嶽神願以我壽益母今母愈
弟不得生矣但母病初痊幸勿即告致重傷吾母
心言畢竟卒

時年三十八

趙啓裕

題旌冊錢塘人十歲喪父哀慟不欲生事母
尤孝謹不離左右者數十年及母卒執喪盡

禮廬墓三載雍正四年具題奉旌錢塘縣志兄患
惡疾近者輒染啓裕扶持起居飲食與偕夜則共
床寢兄瘳啓裕亦不染

孫鑰

題旌冊富陽人弱歲父卒擗踊盡哀水漿不入
口者累日母老雙背鑰盡心色養歷年不怠母

歿廬墓三年雍正
六年具題奉旌

章超

題旌冊富陽人父患疽吮之獲愈母疾
天求代病獲痊雍正六年具題奉旌

吳脩齡

題旌冊錢塘人年十四父士培疾顛天求代
及歿寢苦枕塊宛若成人事祖母張備極孝

養有偷兒夜入其室罄取所有舉火焚其廬張匿
複壁中脩齡冒烈焰負之出衣履俱灼毛髮為焦
母錢氏孀居卧病親奉湯藥衣不解帶者
三年歿後喪葬盡禮雍正八年具題奉旌

謝三祝

題旌冊於潛人父病焚香告天願以身代衣
不解帶數月及歿廬墓三年雍正九年具題

奉旌

吳嵩齡

公舉事實字與九仁和人父允燁順治初知
壽寧縣與妻瞿同死寇難時嵩齡尚幼縣諸

生葉聞祖匿之得免及官兵復寇嵩齡遇之舟中
痛憤持梃擊寇舟人咸為感動歸後具衣冠葬父
母丁家山廬於墓側晨夕攀號積成心疾既長以
能詩遊京師為名流所器重久之歸里仍棲丙舍
疾發而終

孫光祚

公舉事實字爰喬仁和人國學生年弱冠隨
父客趙代間遭流寇剽掠父受重傷光祚號

泣抱持賊憐之捨去父歿哀毀過禮母性方嚴小
失意光祚與妻長跪以請垂老不少懈母病延醫
艮山門外醫以除夕不赴光祚詣請徑路傾軼屐
齒屢折母病愈逆捐金修砌十里之內竟成坦途
葬母穿墻見舊穴急封掩改穴以避術家以改處
多石為慮不聽發土果得石石盡則穴在焉人以
為孝義所感

陸寅

錢塘縣志字冠周運昌孫圻子善詩年十六圻以牽累繫獄寅從入囹圄晨夕侍奉尋得釋圻

遂棄家遠遊不知所之寅上事病母下撫弱弟克殫心力毋致後有人傳圻在武當山寅即日徒步出門直趨武當求之不見隨徧覓各省涉歷險阻十餘年不歸然竟不可得遂入京丁卯中順天鄉試明年成進士以哀慕勞瘁踰年齡血卒子邦珩字勉之有文名雍正庚戌進士官戶部主事卒

朱常安

公舉事實錢塘人中庚午武舉康熙乙卯父病泣禱於神叩頭流血父疾尋愈丁巳父復

患癰疽庚戌復閏折右足皆百計調治雖家益貧而奉養竭誠始終不倦及父歿葬於貴人峰廬墓三月有馴虎之異嗣後凡忌辰必茹齋衣素痛哭三日數十年不衰遇己生辰終身不受賀題旌冊雍正十一年具題奉旌

項日永

公舉事實字其馨錢塘人醫配能得父母歡後賈於閩會閩變道梗不通念二親遠隔棄

資歸夜行晝伏從間道走仙霞嶺適年始得達居一載父母相繼歿哭泣盡哀有妙適汪氏為里人構訟汝及日永白其冤一日詣汪見晨炊未舉即趨出解衣易米為具比歸妻曰家有米答曰吾恐舛飢不能待也康熙丁亥戊子間歲大歉出已粟以賑自江干達湖墅沿途遇飢人人給半升存活者無算一時富民慕義亦爭給米以助賑

顧蘭

錢塘縣志字芝侶仁和諸生割產讓兄膳養寡嫂三十年如一日公舉事實蘭授室未月餘即

與二親同寢處夜必數起視安母諭之則曰兒與父母隔終不成寐不如共寢之安母疾衣不解帶者累月及卒哀毀骨立三年不御酒肉服闋猶哀泣者十餘年平生折節讀書不求聞達著有孝經

或問箋註行世二

禹堂集藏於家

方聲宏

公舉事實字蜚卿錢塘人正學之裔世有隱德宏生而至性過人弱齡能順承親意處昆

弟推挾讓棗極篤友于父疾親嘗湯藥衣不解帶者累月疾甚籲天求代剪股和藥以進父歿哀號擗踊痛不欲生未幾復遭母喪備物盡禮既葬廬墓三年歲時祭享哀慕無已年七十六卒題旌冊雍正十一年具題奉旌

錢封

錢塘縣志字軼秦年十三執母徐喪里中稱小孝子父士璋凡三娶封事後母一如所生父歿

時封年已六十有一哀號擗踊宛如嬰兒

孫敞

公舉事實字愷殷錢塘人事繼父克盡子職侍疾衣不解帶形容毀瘠喪葬盡禮兄彥臣失明

問寒燠視起居撫之若嬰兒事之若嚴父視異母弟如同胞甲寅閏逆倡亂難民被掠敵倡義收贖俾得骨肉完聚其路遠不能歸者給以資糧人咸義之

楊兆璘

公舉市實字友三錢塘貢生髫年喪母哀動左右父卒執喪盡禮三年未嘗見齒事繼母備極色養兄弟三人同居共爨終身無間言族人貧不能祭捐置祭田祀有所餘復分給焉至出粟賑飢施棺木設義塚修橋梁開河道更無倦色士民無不稱其孝義

方文華

公舉事實字卓峰新城人甫十歲母潘患弱症湯藥親嘗便溺必躬自浣滌者三載母歿哭泣擗踊如成人父館於鄉離家四里許每早出夜歸文華朝夕扶持繼母卽生子女四人頗分愛憎文華市之益恭謹雖加以蓐楚必長跽引慝母亦感悟愛如所生先是母歿時遺二弟俱幼家貧

厨無粒粟常覓螺蛤代餐必先餉諸弟
然後食後篤志於學補庠生以歲貢終

許曰龍

公舉事實錢塘諸生幼失恃哀毀如成人父
歿泣血三年未嘗見齒鄉黨咸稱其孝平居

敦本睦族任卹親黨嘗集里人示以孝弟忠信之
義遇忿爭搆訟者委曲化導令人自愧焉葬親西
溪有方氏遠塚在墓傍曰瓏與方氏立約任其祭
掃且於春秋祭祀時恒具紙錢以奠之其厚德尚
義入
如此

方來

公舉事實字聖祥錢塘人性孝友父母教極嚴
稍不憚輒長跪以請解顏乃起祖歿力營宅兆

廬墓經年莽叔孀從弟數樞撫幼弟友愛無間
嘗承父志贖難民獲完聚者數百家惜蚤世

何章雲

公舉事實錢塘庠生性至孝母患疾章雲衣
不解帶晝夜侍榻前扶抱不頃刻離及歿絕

粒十餘日父患脾虛卧榻半載章雲跪榻前兩手托之以手接便溺習以為常歿後葬九曜山去城二十里許每朔望必詣墓擗踊二十年寒暑不輟與弟友愛撫孤姪教養兼至生平立品端謹博學善文著有輝

映堂集十卷

金煜然

公舉事實富陽人康熙乙卯舉人年九歲時山寇竊發父兄入鄉覓避處寇猝至煜然衣

既晚請曰寧殺我勿傷我母寇曰童子有此孝心乃捨之反示以隱僻處得避去十五歲母乳生癰百藥不效煜然以口吮之其痛稍止吮至一月而愈入母足患癰經年潰痛煜然告母欲舐之母以穢惡不許乘母睡熟以舌舐瘡母覺反責之仍遇睡輒舐瘡亦漸瘳父歿廬墓三年晝歸奉母夜出守墓及領鄉薦不起文會試時知縣趙祿星踵門敦迫以母老辭趙嘆為不可及餽以參餌欲以孝

行旌入固辭不可乃止題旌
冊雍正十一年具題奉旌

嘉興府

漢

張武

後漢書本傳吳郡由孝人父業郡門下掾送太守妻子還鄉里至河內亭盜夜劫之業與戰遂亡武時年幼不及識父每節持父遺劍至亡處祭醢泣而還太守第五倫嘉其行舉孝廉遭母喪過

毀因哀
慟絕命

唐

丘為

至元嘉禾志嘉興人事繼母孝嘗有靈芝生堂下官至太子右庶子時年八十餘而母無恙給

以俸祿之半及居憂觀察司使韓滉以致仕給祿所以惠養老臣不可以任在喪為異惟罷春秋羊酒初還鄉縣令謁為侯門盤折經縣治降馬而趨年九十六卒

宋

王琮

至元嘉禾志崇德人字伯玉高宗紹興間登進士第以孝友稱官至左司

陳四

弘治嘉興府志嘉定十一年剖心治親之疾表其坊曰褒孝即今聯魁坊也

吳三

弘治嘉興府志桐鄉千金鄉人父疾苦於病藥禱勿愈乃割股和粥以進父食而甘之病

遂止有司疏厥事詔旌其門

潘生

弘治嘉興府志俗名十三桐鄉清風鄉人割股和粥以瘞母病有司欲陳其事以旌之生力辭

曰事母吾分內事也初何心求知於人人尤重之

錢四十二

弘治嘉興府志桐鄉千金鄉人母有疾湯藥勿愈每夜禱於天幸延母年病日以篤

遂煮粥割股而投諸中母甘其味翌日遂愈有司以聞詔旌異之

范圭

弘治嘉興府志桐鄉人事親貧無以供甘旨必力致之母遺疾藥久勿愈割股和粥母食覺味

異不數日而體健有司以聞詔表其門

施二

弘治嘉興府志桐鄉募化鄉人事母病久不解帶坐醫屢易罔效乃夜焚香願減已算以

益母壽又密割股肉和米煮粥食之母遂愈有司白其事詔表其門

元

潘應定

明一統志嘉興人博覽典籍尤以孝行名於時母喪廬墓哀號無間時有桂花變色白鶴

來翔之瑞左丞周伯琦嘉其

孝為書雙楨二字揭於墓所

戚敬

徐一夔戚孝子記字東肅秀之白苧里人母疾

敬勺飲不入口者三日痛哭絕而復甦將葬掘地尺餘泉水涇浸敬負土為墳既葬俯徨不忍去或勸之返敬曰吾舍母何之乃附墓為菴伏匿其中望墓杖服踰三月有白芝五本生廬側人以為孝感感將像母而事之告工以狀工未悉一日工夢媿曰吾戚母也汝為識之翌日工刻木惟肖敬奉以龕帟飲食必祭出入必告有事必禱一如生時吳門之陷前鋒犯秀境敬瞪目起曰吾忍去父母墳墓耶乃散財集弟子保里中白苧完好如故公府將賞之謝曰吾為墳墓舉耳不願賞後部使者

薦為文學掾歷三十年未徙官人
以其孝不斥其名直曰孝子云

過宗一

貝瓊過宗一傳海鹽昭明里人早喪父獨與
母居元至正十六年張士誠陷姑蕪畧地至

海上宗一負母逃猝與寇遇欲殺之以身蔽母中
數創乃舍而去既返益困傭以給食母卒六年不
克葬寢苦服衰蔬食不變與人語輒泣下有燕巢
其傍東西相向及葬母燕去不復至人皆異之

陳寶生

攜李詩繫字彥庶海鹽人父思恭客泉南娶
莊氏思恭賈海而死莊攜孤歸鹽守節寶生

少有才名兼善繪事與雲間黃子久吳密後寶生
作春草堂於婁上以奉母過請名人詩文以傳之
又居峽石東山以父溺海終身不至海上子久來
鹽嘗拉之觀濤偕至東城輒涕泣曰陽侯吾父仇
也子久動容亦不往而罷
因為作仇海賦記其事

沈嗣昌

道琛沈嗣昌傳字原懋一字壽康居海鹽之德政鄉早喪母事父孝父歿勺水不入口者

三日杖而後起營葬於豐山之麓遷母柩合葬焉構廬其側覆以編茨障以土垣匍匐其間望親寵以泣如是者六年洪武元年卒邑宰王文造其廬書孝隱扁以旌之劉儼為撰孝隱堂記

崔永

續文獻通考海鹽人七歲喪父母韓氏從繼父謫海南後永徒步至瓊州求母時繼父已歿有

司以配屬不許歸永復號泣請於朝許之舟行遇風永入水負母因感疾卒江西布政使以聞為之祭葬仍給驛舟歸其母永往返數四人以崔孝子稱之

明

殷近仁

明一統志嘉興人博學能文與其弟原善原誠友愛無間言家貧親老同心協力以供甘

旨之養近仁洪武初以孝弟授山西平遙知縣未幾親喪葬祭盡禮服終以所著蒞政戒銘四十二

篇獻於朝擢廣西參政

殷原善

沈繼宗殷原善傳嘉興人兄近仁擢授廣西參政沒於官其妻亦逆遺孤子三女一皆幼

不能自立原善撫之如已出提攜啖餉無不至原善時年四十餘鰥居不要其友吳筠章諷之原善泣曰兄子猶吾子使吾娶而不賢諸孤將何所托哉筠章嘆服而去

包珪

包江

嘉興縣志包愉字成甫洪武中詔求人

戶入京師有司疏愉名以進時年七十有九長子珪願代父行幼子江號泣固請以身代兄弟爭赴旌之

凌孝子

懿行編失名嘉善思賢鄉人永樂中父以典稅被誣逮繫京師孝子年未壯號慟上書得

釋水陸風雨備嘗

艱苦竟以是殞

陳曷

萬歷嘉興府志秀水人事母沈盡孝母邁危疾晨夕奉藥裹侍床褥間母忽思食鯉乃早起循

溪岸行俄聞魚躍聲解衣入水得巨魚為羹奉母病尋愈迨居喪廬墓三年以誕晨祀母有一雁從天而下舒頸鼓翼馴擾庭中里人繪二異圖詠歌之

岳商

嘉興縣志字成卿兄夏多子商於宅讓受惡臧獲讓受老別治子舍奉父母以孝謹稱兄弟皆

素封及兄卒凡役必肩其難且重者孫元聲和聲駿聲三人鼎貴咸謂孝友之報

褚元卿

嘉興縣志事親孝養備至父病顛天請代父沒泣枯流血母喪哀痛幾絕水漿不入口者

七日廬墓三年屢奉憲獎

檀郁

方學漸檀郁傳桐鄉人家貧少孤母汪氏孀居

不二郁事之極孝母疾晝夜侍湯餌不解帶夜則稽顙北辰求以身代母卒哀毀踰禮葬縣治西北二里許山多石不可以穴郁徇惶悲泣焚香叩神曰郁不孝使吾母葬無處所罪莫大焉神其牖之越四日鄉人胡伯恭夢一人告之曰檀孝子有穴湧泉可丈餘耳既覺走語郁詢堪輿家無所謂湧泉穴者醫士程伊聞之曰醫家有湧泉穴在足心意者山之麓乎因求之果得土僅容棺母遂得葬郁廬其側哀慕如初喪達首垢面三易寒暑山素無泉每食必下山取水忽有泉自石罅湧出流於坎色瑩味甘得免下汲至終喪而泉隨竭邑令請於直指使奏聞正

統丁卯詔旌其門

周玘

萬歷嘉善縣志景泰中兄當戌五開玘年十七慨然請代父兄不許有司亦難之玘曰家貧役

重非兄侍養莫慰親心請益力官不能奪既之戌業裕嗣昌人以為友愛所致

沈昊

舊浙江通志海鹽人沈珍子性孝友奉諸母比於所生撫異母弟妹無間有弟孟暉以誣被逮

昊挺身代行准撫雅重之立為奏釋庭中嘗產瑞竹一本兩幹人為孝友所感

顧態

萬歷嘉善縣志字汝美少喪母父納一婢婢挾父勢凌態態事之益虔積館穀置田百餘畝與

婢二子均析之父死婢就養於二子態泣留曰父之所愛亦吾母也豈以存亡易心乃舉父遺物委諸弟留婢養之終身

以貢授涇縣訓導

沈燮

嘉禾徵獻錄字泰夫平湖人天順時父槽獲罪論死燮徒步闕下抗疏訟冤疏七上得減死流

嶺表後以敕

還人稱孝子

秦涇

天啓平湖縣志字汝清幼喪母哀思設像以事如生時失愛於繼母事益謹撫異母弟尤篤繼母久而安之繼母臥病郝火幾及臥所涇扶昇莫及叩頭額天風反火滅父沒廬墓三年知府鄭登

高以聞

張瑤

嘉興府圖記字朝貢嘉興人舉鄉試性孝友其妻以疾不悅於姑姑欲出之瑤心知其無罪令歸依母氏終身與兄同居孝養內外無間言郡守徐盈高其誼屢過咨論政事瑤未嘗干以私卒無

以殮徐為具禮葬之

嚴震

嘉興府圖記字宗遠嘉興人世本儒醫震早喪母事父至孝父嘗患危疾震謂非藥餌可療禱

於天割股肉為羹進之父疾立愈同時有甯冠者崇德人亦割股活其祖母而國典皆不及云

章傳普

萬歷秀水縣志少孤事母至孝母患心疾傳普走補陀禱觀音大士願以身代後母病傷

寒濱死封股肉和粥以進及卒哀毀過瘠刻木為像終身事之如生

夏正

嘉興府國記字時寅海鹽人性孝友親沒廬墓事其兄宗如父鄉里稱之

沈琮

葉盛沈琮墓表正德壬戌進士授南京兵部主事為夔州知府改重慶皆以喪不赴最後得廣

州以卒天子署其家曰旌表知府沈琮孝行之門琮字公禮其先哲人徙平湖父昇母潘氏繼蔡氏琮卒時年五十幼穎悟與其弟監察御史琿齊名人稱兩奇童先後取高第得官居父母喪相率結廬墓下不食肉者凡六年有馴禽瑞草之異事間有司以琿既卒例不得旌琮疏言願以及亡弟事

雖不果聞者義之

徐藻

萬厯嘉興府志字子潔司訓縉子海鹽庠生痛父縉罹倭毒具奏召集鄉兵滅賊以洩父冤得

旨名曰忠孝軍乍浦沈庄俱有戰功軍門優獎

馬珂

天啓平湖縣志字世望父官廣州上官令輸賦金舟次彭蠡為逆藩盜所掠時迫試珂即手一

襍行或勸以試畢泣曰試乃重于父耶會王文成平逆藩諭知廣州銀尚存遂請文成牒重趼數千里訴之當事不得復走訴之京卒得白

沈璧

萬厯秀水縣志號東隱正德間應詔輸粟助邊授千戶弟兄五人最友善迨析產體父意推腴

受齊伯兄長卿賦勞憊請以身代役季弟遭回祿即與築居比歿撫其孤給薪水費

包世熙

馮夢楨包孝子傳太學生嘉興人副憲程芳子事父母曲盡誠孝萬厯庚辰父邁病幾死

世熙露禱哀號嘗冀以辨甘苦始病迄瘞五十餘日未嘗一解帶臥久之夢神謂曰爾父壽止六十既覺汗流驚懼曰吾聞古人有減算延親者遂密書一疏齋禱佛前願捐已算以續父餘抗詞宣懇淚隨聲注其年應試歸自南都不一月暴下卒

朱元弼

嘉禾徵獻錄字良叔海鹽人父用中為人方嚴有儒者風元弼尤安貧力學以古人為法

少喪母事繼母竭力奉養及授室與其妻約曰倘言母短長者當與君絕妻不勝恚微言之遂求絕妻惶遽請自後不敢更言弟不善治生乃賣已宅代弟償逋而自寄友人居為諸生需次鄉貢以年踰六十例不得入官遂棄去垂老預知死日別親友而卒學者稱達隱先生

許嘉謨

嘉興縣志字性初幼業鉅氏母吳有疾疾生弟嘉誥甫彌月疾作幾不起嘉謨顙天請代

母弟得兩生數年後母疾再作嘉謨度不可活退而斷小指之半和羹以進母啖盡病霍然又十年乃終里人欲為上狀嘉謨曰此舉吾母未之聞奈何聞人而徼之以為名同辭業鉅氏如故其子聯登亦以割股起父病

周文忠

萬歷嘉興府志字德茂崇德人兄遭寇掠躬急其難母胡氏疾甚多方救藥弗效乃顙天

潛割股和藥以進親疾隨愈其他服飢施棺尤多義舉孫塤建百歲堂以奉之壽終百有三歲

顧昌

嘉善縣志錫工也母年八十餘患痢且革昌日往里中真武祠稽顙祈以身代度不可為即於

神前刳心探之不得割旁膜煮羹進母已數日不食聞其氣香甚食之頓愈每陰雨瘡痕痛楚不令

母知昌年
亦九十餘

鄒昊

嘉興府志字孟昭嘉善人母年七十喪明延醫療之不效昊朝夕禱祝俄而母兩目中各重生

一腫復明如
故人謂孝感

郁本宗

表黃郁本宗傳吾邑郁和川名本宗生有至性父東槐抱沉痾本宗晝夜皇皇求四方良

醫丹藥以療不效不得已割股以進未痊再割以進父飲湯忽有生氣是夕始寤睡夢神人謂曰汝命將傾汝子孝上帝憐之加汝十齡自是健飯善步如平時嘉善縣志本宗又壽八十二終本宗哀毀幾不能生服闋謁選授吉水丞

郭球

稿李詩繫字友虞平湖人母早孀兩目皆瞽球以舌舐目漸明嘉靖間倭入寇負母塗行寇猝

至將加乃球以手搏血濺襟帶
適尉卒至幸脫天咎問詔旌之

沈藻

海鹽縣圖經字元明力學工制舉業隆慶卯辰
聯捷守泰州以廉潔聞以忤要路掛冠歸貧無

以給教授生徒佐人甘旨父性卞急稍有不懌
必泣跪甚至受杖不辭一日郡守龔勉過侯藻久
之不出值父怒跪不敢起龔知之深嘆其孝有薄
業悲讓弟以慰父心易簣之日母尚在向母疊誦
母氏劬勞句而瞑以子宏遇
賁贈階奉直天啓初祀鄉賢

周允文

周鼎隆

秀水縣志允文號衍溪樞祿時其
父相賁於燕坐事亡山海關外允

文長日夜涕泣侍母喪葬畢偕其姊之夫偕行訪
父抵京見人輒哭詢一翁語之曰爾父我友也曾
以事故脫身塞外別已十五年矣允文遂出關冰
霜路頓逾數千里一日遇其父於達姊之夫前識

之曰此非阿翁耶父子抱持慟哭時相已起家為木商納婦生子允文恐其留不即返在路牽裾趣歸色養數十年父子並以壽終子鼎隆字道從亦以孝聞母莫性嚴目瞽鼎隆委曲承歡至老不衰事兩兄最友愛補博士與同郡宋鳳翔並有文譽

錢繼科

懿行編字忠所嘉善人弱冠游庠富經術父病適年察色聽聲夜嘗數十起父構新居因

諫與弟繼美身安舊廬卻祖姑別業一介不妄取延名師課二子長士升狀元閣輔次士晉進士中丞累贈官保大學士

馮洪業

平湖縣志字茂遠萬曆乙卯舉人性至孝父伯禮卒於燕洪業徒跣奔喪扶柩歸事母查

氏能養志卧樓燬冒烈焰負母而出母疾割指以療之

毛應銓

分省人物考號念軒平湖人早喪父事母至孝朝夕承顏務得其歡心後為諸生凡館寂

所入悲以與兄毫不自私登萬厯甲午鄉榜丁母艱廬墓三年哀毀骨立屢上公車不第司教安吉與諸生講學論道士習丕變居官幾十載居無一椽至老猶與兄同居不分析

沈元昌

嘉興縣志字鴻生以孝聞居喪哀毀致疾有第四人終日怡怡萬厯癸卯舉於鄉先人遺

產悉以投諸弟已食貧弗顧也撫兩幼弟如子與人交藹若春風生平未嘗見其疾言遽色

陳謨

萬厯嘉善縣志字昌言父吉應貢卒於京謨匍匐扶輿歸哀毀骨立繼母悍數欲致謨死謨事

之益力將已所置產與父產均分為二讓其美者與繼母弟母亦感動無間言晚年應貢不仕而卒

吳來臣

石門縣志字曰俞萬厯乙酉舉人與異母弟同居備極歡愛母喪哀毀過禮卒

許錫璋

嘉興縣志字如季父病割左股以進弟病割右股以救人稱孝友弟錫璜字太微父歿兄

殯姪尚少為隣官所逼搜其居且暮夜入賊將甘心焉錫璜庭斥別駕毆其賊胥殺熊攘孤以出別

駕不能難妻此

氏亦以孝聞

胡棧

海鹽縣圖經字敬之居澈川父本富室以性侈損家日以所欲責棧棧竭力以致賓朋滿座雖

貧甚不少哀後母喪父鰥棧夜與父同寢以服煖父足如是者十餘年父歿所居以治喪葬單瓢

屨空寓於其

姻徐氏以歿

姚世華

萬厯秀水縣志字孟實父嚴或有譙讓輒引咎懇請遭喪毀瘠甲午試南畿以母病日不

肯行母督之往得雋歸適年母病疽日夜悲泣祈以身代母旋瘳世華遂歿病死年四十無嗣卒後

五日而妻

舉一子

顧薇

海鹽縣圖經字子芳事父倫母李以孝稱李歿

延燒將不救薇伏棺大慟火忽他越迨事繼母感如其母初失愛後亦感動卒無間言

胡彭述

海鹽縣圖經字信甫幼喪父每向母問父貌若何遺籍何在輒失聲大哭為室三楹中奉

母身及妻劉居左夜寢未嘗闔其左扉曰吾何忍自隔阿母耶事從兄彭年敬愛如同產嘗論次所藏書名好古堂

書目自為序

葉春華

猶及編海寧衛軍事母至孝朝出暮返晴樵雨漁市以供母母性暴多怒酒肉稍不善必

令別置而叱之使跪以待食不命之起雖連旦不敢起隣人或叩壁而呼之則曰恐傷母志也勸之

娶曰無力即有力恐不能事吾母縣令旌其門

童輝

西園雜記字景文海鹽人家貧奉其父朝夕甘

責父亦嚴毅不少恕白首猶然人稱為童孝子督學臨試輝行至中途見漁者網得鮮鱗曰此可奉吾父也即以行纏易之徒步攜歸烹以供父然後赴試學師責其後至弗恆也後以貢授鎮江府經歷年八十餘卒

費諫

石門縣志字蓋臣幼孤母遺危疾苦心湯藥母喪廬墓三年泣血不輟令洪異表其門

周紹宗

舊浙江通志字岐陽海鹽人本姓馬少失恃事生母繼母如一繼母病久體不能屈仲楚

不可禁紹宗負之行盤旋室中日數百回病遂瘳偶出心動急歸生母復瞽惟中失火不能出紹宗

從烈焰中負之
而趨火亦旋熄

王道立

李日華王孝子傳秀水人居王道湖自號雲洲道人性醇恪事父竭色養父疾調侍湯藥

不脩擲沐自浣厠踰率婦子顙天請代父卒哀至殯絕為倚廬墓側朝夕盡哀母朱疾篤口皮藥餌舌引痰涎泣盡而繼之以血葬後復為倚廬如父喪且終身焉臺臬聞之檄府旌其閭

錢吾仁

鄉賢留祀冊字廓如嘉善人父貞登嘉靖己酉鄉榜歷官汝寧郡丞以代覲卒於京吾仁

閒計哀號星夜徒步入都扶襯或勸以用舟車涕泣曰抱恨終天尚敢希安逸耶行數十晝夜兩足俱累幾不能支匍匐扶柩歸寢苦枕塊三年如初喪奉繼母吳如所生吳待之甚嚴吾仁事之益謹後母亦感動相愛無間言

曹伯來

天啓平湖縣志少有才九歲喪母事父孝父歿遺妹纔數月撫養成婚裝造踰於已女

兄歿遺貲甚厚無嗣伯來仲子應嗣覘嫂意有他屬欣然讓之迨嗣子中落歲以薪米贍嫂終其身

魏學泐

檇李往哲續編字子敬嘉善縣諸生父忠節公被逮學泐泣血號呼欲隨侍入都忠節厲

聲曰若智出孔文舉八歲兒下耶奈何以完卵狗覆巢學泐遂易姓名密過檻車行不令忠節知入都既下獄潛匿邸舍暮夜叩當途父執或拒不納或見時僅仰天長嘆間有泣下數行者學泐欲上書代父不可得呼天籲地展轉無策父忽以斃聞追遞扶輿歸里見母慟絕仆地跡不入中閭日夜伏草啼號家人問進粥糜輒以手揮去曰詔獄中誰有憐乃公而授之餐者淚盡繼之以血遂病而死朝廷憐之賜優卹

俞懋修

天啓平湖縣志邑庠生有跛疾父母嫌之娶婦戈頗令淑而嫂酷妒百計搆之父母適不

悅間來父出挾姑威劍兩人別室絕其飲食伯母姚陰佐兩人出僑寓武塘時念父母不置相對歎歎曰寧死膝下耳懋族人為請於父父稍悟竟返迎母亡嫂管家政所進皆粗糲懋修與婦更烹鮮藏之以待不時之需父益悟欲奪兄產歸懋修懋修號泣牽裾力陳不可後父與兄嫂相繼亡懋修撫兄子倍至子允昌語及父母時事未嘗不泣然流涕

陸大銑

陸大鏐

天啓平湖縣志大銑字恒甫中丞萬垓子萬垓積俸百金令大銑置

田娛老越六載歸囊無長物大銑仍以原金進呈倉產曰兒指此足贍何更置為後父歿偕弟三分之弟大鏐字宏甫十三隨父之任舟覆洞庭卒衣救父冒入重淵會天幸偕出萬垓哭母以死大鏐

每痛父死於母而身不死於父長慟不已
平生純白不設機械至貧而仕不改其操

郁性善

懿行編字承泉嘉善人父京病疽吮之立愈
父觸豪貴下獄性善千里白父寃以勞成病

疾謂子曰父母生我我以父
故致疾何尤焉後疾竟瘳

姚斌

石門縣志字仲符庠生六歲而孤事母梁以孝
聞前母兄繼周相勗甚嚴斌事之如父父遺厚

貲志讓之兄及兄暴卒適姪游學斌封識所有以
俟姪歸毫無所染好讀書築即山居購書其中寒
暑弗輟著有易衍春秋辨義
諸書以子琅貴贈奉政大夫

吳蕃昌

靜志居詩話海鹽縣學生師事劉宗周講洛
閩之學卒時母喪未除遺命以哀經殮其從

弟哀仲居母憂過哀卒於
喪次里人並稱為孝子

李應魁

邑爾庾李孝子傳字坤賜嘉興常豐里人家世業農應魁獨讀書明大義年數歲至性孺

慕動合古人年十八母徐病劇不可救應魁夜則倚天請代晝則奔走醫藥不解帶不拂沐者旬日已瘳封其左股投湯藥進之母病遂已里中噴噴稱孝父母先後卒居喪哭泣備禮哀毀骨立廬於墓早夜悲號有芝草生於塚

戴華

嘉興縣志字君實終身不要與父母居曰汲羹可自任奈何以井臼故舍二親與兒女子處父

病家貧力辦藥餌父卒不起華慟哭垂絕又十餘年母病拮据如初母亦不起初母病晝夜哭甚哀聲達於巷是日忽無聲竟日不啓戶都人排闥入視見其母已死華伏母旁面覆著床已絕矣急灌以湯得蘇切責以大義不得已勉進粥水里中皆稱曰孝子

魏學洙

嘉興縣志字子聞忠節少子兄學泐死學瀛走闕下學洙侍母錢至孝患難中得錢歡心

勤敏博學試輒冠軍年二十七侍

母疾心力俱瘁母愈學洙克死

父邦清

王庑父邦清傳字鳳儀秀水人七歲喪父哀毀如成人養母竭盡子職母卒擗踊廬墓動

遵古禮季父客死邦清負骸骨歸葬妻亡邦清年三十矢不再娶郡守王鎖高其行舉鄉飲賓守道

上官鑑旌其廬曰孝義維風

毛文耀

桐鄉縣志梧桐鄉人父病禱天請代委曲以盡色養崇禎甲戌給匾旌獎

吳天泰

舊浙江通志字謚生秀水人母病顛於城隍神疏請減算以代夜夢神許延母年一紀教

其弟成立子周瑾

庠生曰來舉人

徐廷泰

舊浙江通志字宙知海鹽人為海昌諸生父

如方飲父病已八歲喪母雖至老達忌日每祭必哭聞里黨失母者每為悲悼事繼母亦盡養家貧好購書箋釋性理大學衍義陽明諸書至老不釋卷

李元

舊浙江通志桐鄉人母父氏病剝腹割肝以進巡撫行學道旌獎

王永謨

嘉興縣志字公榮弱冠游庠巨盜張三趙山者劫富隣沈姓以天雨陰黑誤入其家永謨右母為盜所執永謨奔救以身蔽母母得脫永謨右臂為盜所折是年適當鄉試以臂折不能書遂見

棄年三十

五抑鬱死

俞永言

天啓平湖縣志字懋孝母病皇皇醫禱願以身代母以替珥遺之罔辭願與兄共兄嫂既

歿撫姪如已子教
育之俾有成立

許天贈

石門縣志字懋勳幼喪父母遺疾侍藥不交
睫者彌月割股煎湯以進母疾乃瘳踰年母

又病憶前湯
復割股幾死

國朝

沈樾

桐鄉縣志桐鄉人父病累月藥治不效樾割股
肉和藥以進病愈母患目疾樾以舌舐之目復

明

程光祖

舊浙江通志字宏先嘉善人五歲而孤事母
晨昏溫清不失時母病侍湯藥衣不解帶目

不交睫母沒哀慟屢絕喪葬盡禮除夕卧墓傍日
出拜謁乃返平生急難重義有古烈士風郡守表

其門

崔上煥

鄉賢留祀冊秀水人父琳遠客數年不歸上煥年甫十八徒步尋親風雪飢寒匍匐走數

千里負親以歸孝名聞於遠近事嫡母生母皆以孝謹稱由吏員選廣西經歷宰寧洋以年老致仕

陳良德

嘉興府志字爾嘉嘉興縣人順治元年飢民劫掠遍野良德年未弱冠負母姚踉蹌奔走

菽水無缺稍長棄舉子業行商數百里間負米養親徒步往來至兩足裂血弗恤也父以壽終廬墓

三載歲時祭祀必

天泣終身不怠

錢綸光

嘉興府志字廉江海鹽人性至孝工文詞家貧藉修脯以養親人無間言俞化鵬錢綸光

行略父瑞徵博學有文名官衢州教授綸光勿克從歲一省視著有寒江歸棹詩慕思悽悅見者咸

謂不減蓼莪之什居母憂哀毀骨立嘗裁蓮於總
惟前凌霜不萎十月蓮復花成房人以為孝感

孟春和

公舉市實字頴儒嘉善諸生母徐早喪以亂
故不知屑所稍長涕泣不已有老嫗自遠歸

謂之曰吾子言汝母殯椿樹下頗從軍去十年矣
春和詢其狀貌歷四方求之數載遇於泉州偕歸
指殯所恐傷遺骸以手代鋤十指流血檢一齒不
獲哀號顙天齒忽自泥出獲全葬廬墓三年隆冬
不忍去染疔
症年六十卒

許雄

題旌冊字熊飛海鹽人事親先意承志雖家貧
而甘旨無缺母疾籲天求代親歿哀毀骨立喪

塋盡守墓三年嘗修宗譜以收族人葺遠祖墳墓
創宗祠祀產皆竭廩為之宗黨咸稱其孝雍正十

三年具
題奉旌

丁穎詮

公舉事實字慈勉嘉善庠生年十三母錢卒哭絕復甦事父鑣竭盡色養父病刺血上神

疏願減已算叩穎流血及父歿居喪盡哀既葬廬於墓側與弟集虛涵巨孝友相勗門內無間言年

九十卒子棠發戊辰進士官御史

查魏旭

公舉事實字次谷桐鄉縣學生中康熙癸酉副榜父繼甲為廣西隆安令卒於任值吳逆

之亂道路隔絕踰二載計始聞魏旭號泣即日隻身就道踰母前訣別曰兒去萬里出入兵間得達父櫬所萬幸能扶父櫬歸尤萬幸否則流落瘴鄉守死父櫬菊園所甘心毋侍奉有兄弟在勿以兒為念遂行及漢陽遇賊掠極楚無完膚又經全州寒水橋失足墮河若有掖之者浮髮水面遂遇救得不死又一夕行永州幕古山中時昏黑草木蒙離不辨徑聞狼嗥虎嘯聲信足奔屢蹶屢起僅達

村舍血淋漓滿芒屨抵隆安覓至槻所一慟殞絕
踰時始甦顧無從作歸計徇惶歲餘乃齧指血書
詞日哀籲道旁見者咸曰此故賢令子也稍得賻
助遂扶槻崎嶇以歸歸後疾作臥床第不能興凡
三年乃復其後卒命子必祔葬我先
塋之側庶與吾父母朝夕相依也

程伯鑄

鄉賢留祀冊字遷于平湖人兄為寇所掠訪
求止存一姪已隸軍籍相抱痛哭贖歸為之

完娶庶弟二人亦遭兵流落親
往覓歸俾有家室歲時周恤之

王棟

題旌冊字旼昌平湖人太學生年十二遭母喪
呼搶號泣父病躬親湯藥衣不解帶者彌月日

禱神前願以身代及歿哀毀骨立死而復甦盡力
殯葬廬墓三載又善事繼母委曲承順母愛之如

已子事

聞奉旌

曹燭

公舉事實字冷民嘉善人父樞以入火救親柩

病廢燭日侍左右眠食不離凡盥洗必躬親無

幾微倦色親致負土廬墓每祭必哭踞墓終身

孫肇薰

公舉事實字乃賡嘉善人幼嘗棲墓壘土以答祖恩澀血寫經以益父算罔辰夏父赴公

車母染病危篤肇薰以髻齡侍奉徒步觸暑求醫夜則露禱北辰願以身代母令就寢輒席藁牀下

竭履旬日備染風暑迨母愈而已疾日深猶強起供子職竟以形神俱瘁而逝

周鍾岳

題旌冊石門人早年喪父擗踊長號逢祭辰必思所嗜以薦事母跬步不離母疾醫藥罔

效禱天號泣願減已算益母壽如是七晝夜病漸愈後十年母故依墓三載雍正四年具題奉旌

鄒世麒

公舉事實字魯傳秀水人考授修職郎贈儒林郎弱齡喪母徐哀號不止父宗仁諭以大

義始節哀父生卧一小樓日夕侍奉有乳燕數百
羣巢樓下人異之遂名百燕樓父病衣不解帶顚
天願以身代及卒擗踊嘔血絕而復甦事繼母居
尤先意承志迨葬有白鶴一隻飛繞墓上咸謂孝
感葬畢廬墓三年至裝郡神梵道路遺命其子學
傳天嘉獨修崇聖祠慕義好施不可枚舉題旌冊
雍正十年
具題建坊

張友德

公舉事實字淡中平湖人誠孝事親色愛靡
間親病躬嘗湯藥及卒哀毀骨立廬墓三載

有木成連理之祥每遇忌辰號泣若居喪之禮仲
兄出繼以本生產業義讓子姓貧乏者曰是我先

人所遺也
閭里稱焉

吳煥

題旌冊嘉興縣人庠生五歲喪父哀毀如成人
事母徐氏曲體承順四十餘年母病痢嘗藥浴

器歷晝夜不寢及卒廬墓
三年雍正五年具題奉旌

戴大用

公舉事實字聖萃嘉善人事親色養出告反
面無間寒暑父母殁廬墓三年每風晨雨夕

嘔血哀號其後墓傍產靈芝數本人謂孝感又念
閔極恩莫可報乃終身不御葷酒族兄義英患中

風症卧床三年大用代謀薪水兼措藥餌及
毀經紀其喪一姊適李早寡無子迎養於家

楊荃

公舉事實字卓伊海鹽人居父母喪哀毀骨立
三年不食鹽酪事其兄兆蘭如事父無鉅細必

諮問而後敢
行年八十卒

孫忠

公舉事實嘉善人嘗隨父行奉賢鄉父失足溺
水為風浪攤去忠投水掖父溯游里許抵蘆渚

獲免母病侍床褥數載無倦容季弟達早世母以
哭子失明忠刺血書金光明經竭誠籲禱臂障復

明迨二親相繼亡廬於墓側旦暮號慟孺慕之忱至老不替

曹洪然

題旌冊嘉興人居恒跬步不離父側侍母疾

側哀感行道每逢忌辰祭祀哭泣如嬰兒嘗曰吾歿後當葬於墓旁庶覩鯢長依二親也雍正五年

具題奉旌

沈茂功

公舉事實嘉興人年十三摘母朱氏疾奉湯藥衣不解帶者數月日夜顛天求代卒不起

伏母屍一恸而絕踰時始甦事繼母謝又事徐亦如之父歿哀毀幾於滅性既葬廬墓三年日夕悲

號哀感行路題旌冊雍正十年具題奉旌


陶宗恒

題旌冊秀水人父歿哀號不欲生卜葬廬墓三年居母喪哀毀如喪父與父合葬亦廬墓

三年常有羣鳥數百鳴松柏間若相助悲哀者生
二子嵩崑以兩兄之後俱立嗣焉而已則子處以
終身雍正十一年具題奉旌

夏慥

公舉事實字非遠嘉善人康熙戊子由拔貢膺
鄉薦八歲失恃服喪盡禮如成人父歿哀毀益
甚日嘔血數升幾至不起每屆歲時諸節必廬墓
數旬終身無間事繼母孝養備至母久病典鬻奉
參餌衣不解帶婦陳氏感
其孝亦日夕進乳於姑



浙江通志卷一百八十三